

笠

因縁僧護經

謁

C40  
4514  
89



78910123456789201234567893012345

C40-4574



B 64853

佛說因緣僧護經

失譯人名今附東晉錄

碣五

如是我聞一時佛住舍衛國祇樹給孤獨園與大比丘衆八萬人諸菩薩三萬六千人俱爾時有一大海龍王初發信心變爲人形來至園中依諸比丘求欲出家時諸比丘不知是龍即度出家有一年少比丘共同房住經一宿已於其晨朝執持威儀詣城乞食時龍比丘福德果報乞食先得或詣本宮食已早還比丘之法食後入房攝心坐禪時龍比丘忘不掩戶龍性多睡天時暑熱龍有五法不能隱身一者生時

二者死時三者姪時四者瞋時五者睡時是爲五事  
時龍比丘不能隱身卽便睡眠身滿房中同房比丘  
後來入房唯見龍身遍滿房中卽大驚怖馳走失聲  
喚諸比丘大德長老此有龍王此有龍王龍聞大聲  
卽便覺悟還爲比丘跏趺坐禪因聲高大大衆雲集  
問此少年比丘何故揚聲比丘答曰房中有龍時諸  
大衆尋卽共集入房覓龍不得但見比丘跏趺坐禪  
便大驚愕不知所以卽往問佛具說上事請決所疑  
爾時世尊告諸比丘此非人也乃是龍王汝可往喚  
比丘受教喚彼龍王時龍比丘卽詣佛所頭面作禮  
却坐一面佛爲說法示教利喜佛卽默然爾時龍王  
心自思惟便生歡喜佛慰勞曰汝可還宮龍王聞已  
哀泣墮淚頂禮佛足達佛三帀卽便還去於其中路  
而自思惟我今雖復不得出家於佛法中作大檀越  
造立僧房四事供養作是念已卽於曠路化作僧房  
流泉浴池遊觀園林甚成閑靜又無人衆憒鬧之處  
晝夜逍遙復無蟲蟻蚊蝠之屬不寒不暑溫和調適  
無諸惱患請諸衆僧衣服飲食卧具湯藥所須之物  
皆悉備足持律比丘數數訶責時龍比丘不解經戒  
每自懷惱心自念言我今供養衆事悉備而諸比丘

故見訶責便滅化寺更往空處復造化寺宮殿林泉  
與前無異復請衆僧四事供養時諸衆僧語龍比丘  
衆僧廚庫頭數甚多寺主之法應以計算頭數來示  
衆僧時龍答曰本非僧物今索抄記云爲造作盡是  
我有今諸比丘難可供給若如是者小可耐意於其  
中夜滅寺還宮爾時舍衛國中有五百商人共立言  
誓欲入大海商人共議求覓法師將入大海時時問  
法因聞法利可得往還商人衆中有一長者告諸商  
人我有門師名曰僧護可請爲師辯才多智甚能說  
法時諸商人相隨往請到僧護所頭面作禮白僧護  
曰我等諸人欲入大海今請大德作說法師我等聞  
法可得往還僧護答曰可白和尚和尚若聽當受汝  
請僧護比丘將諸商人詣舍利弗所頭面作禮時諸  
商人白舍利弗言我等諸人欲入大海今請僧護作  
說法師惟願尊者賜見聽許舍利弗言可共問佛時  
舍利弗及僧護比丘將諸商人往詣佛所頭面作禮  
長跪合掌而白佛言世尊我等諸人欲入大海請僧  
護尊者作說法師時時問法因聞法力可得往還爾  
時世尊知僧護比丘應廣度衆生即便聽許時諸商  
人踊躍歡喜與僧護法師俱入大海未至寶所龍王

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 45 50

捉住時諸商人甚大驚怖胡詭合掌而仰問曰是何神祇而捉船住若欲所得應現身形爾時龍王忽然現身時諸商人卽便問曰欲何所索龍王答曰與我僧護比丘商人答曰此僧護比丘從佛世尊及舍利弗所而請將來云何得與龍王答曰若不與我盡沒殺汝時諸商人卽大驚怖尋自思惟曾於佛所聞如是偈

爲護一家 寧捨一人 爲護一村 寧捨一家  
爲護一國 寧捨一村 爲護身命 捨於國財  
時諸商人俛仰不已以僧護比丘捨與龍王龍王歡

喜將詣宮中爾時龍王卽以四龍聰明智慧作僧護弟子龍王白言尊者爲我教此四龍各與一阿含第一龍者教增一阿含第二龍者教中阿含第三龍者教雜阿含第四龍者教長阿含僧護答曰可爾當教僧護比丘卽便教之第一龍者默然聽受第二龍者瞋目口誦第三龍者廻顧聽受第四龍者遠住聽受此四龍子聰明智慧於六月中誦四阿含領在心懷盡無遺餘時大龍王詣僧護所拜跪問訊不愁悶不僧護答曰甚大愁悶龍王問曰何故愁悶僧護答曰受持法者要須軌則此諸龍等在畜生道無軌則心

不知佛法受持誦習龍王白言大德不應訶諸龍等  
所以者何護師命故龍有四毒不得如法受持讀誦  
何以故默然受者以聲毒故不得如法若出聲者必  
害師命是故默然而受瞋目受者以見毒故不得如  
法若見師者必害師命是故閉目廻顧受者以氣毒  
故不得如法若氣噓師必當害命是以廻顧遠住受  
者以觸毒故不得如法若身觸師必害師命是以遠  
住而受時諸商人採寶還廻至失師處時諸商人共  
相謂言我等本時於此失師今若還到佛世尊所舍  
利弗目連諸尊者等若問於我僧護法師當以何答  
爾時龍王知商人還卽將僧護付歸商人告商人曰  
此是汝師僧護比丘時諸商人踊躍歡喜平安得出  
爾時僧護問諸商人水陸二道從何道去商人白言  
水道甚遠經過六月糧食將盡不可得達卽共詳宜  
從陸道去於中路宿時僧護比丘告商人曰吾離衆  
宿汝等夜發揚聲喚我商人敬諾僧護比丘卽出衆  
宿初夜坐禪中夜眠息時諸商人中夜發引遞互相  
謂喚僧護師竟無喚者卽便捨去夜勢將盡大風雨  
起僧護比丘卽便覺寤揚聲大喚竟無應者心口念  
言此便大罪伴棄我去爾時僧護比丘失伴獨去涉

路未遠聞犍椎聲尋聲向寺路值一人卽便問曰何因緣故打犍椎聲其人答曰入溫室浴僧護念言我從遠來可就僧浴卽入僧房見諸人等狀似衆僧共入溫室見諸浴具浴衣瓦瓶瓈器浴室盡皆火然爾時僧護比丘見諸比丘共入溫室入已火然筋肉消盡骨如燋炷僧護驚怖問諸比丘汝是何人比丘答曰閻浮提人爲性難信汝到佛所便可問佛卽便驚怖捨寺跳走進路未遠復值一寺其寺嚴博殊能精好亦聞犍椎聲復見比丘卽便問言何因緣故打犍椎聲比丘答曰衆僧食飯尋自思惟我今遠來甚成

飢乏亦復須食入僧坊已見僧和集食器敷具皆悉火然人及房舍盡皆火然如前不異僧護問言汝是何人其人答言更不異前僧護驚怖更疾捨去進路未遠復更值一寺其寺嚴儀更不異前前入僧坊復見諸比丘坐於火床互相爪捲肉盡筋出五藏骨髓亦如燋炷僧護問曰汝是何人比丘答言閻浮提人爲性難信汝到佛所便可問佛僧護驚怖復疾捨去進路未遠復值一寺如前入寺見諸衆僧共坐而食諸比丘言汝今出去僧護踟蹰未及出去見諸比丘鉢中唯是人糞熱沸涌出時諸比丘皆悉食噉食已

火然咽喉五藏皆成烟炭流下直過見已驚怖復疾而去其去未遠復見一寺其寺嚴儀如前不異卽入僧坊見諸比丘手把鐵椎互相棒打摧碎如塵見已驚怖復更進路其去未遠復見一寺其寺嚴好亦不異前卽入僧坊聞鍵椎聲僧護問曰何故打椎諸比丘言欲飲甜漿僧護比丘卽自念言我今渴乏須飲甜漿卽入衆中見諸食器狀卧敷具諸比丘等互相罵辱諸食器中盛滿鎔銅諸比丘等皆共飲噉食已火然咽喉五藏皆成炭火流下直過見已驚怖進路而去其去未遠見大肉地其火炎熾叫聲號痛苦楚難忍見已驚怖進路而去其去未遠復見大地如前無異復更前進見大肉甕盡皆火然熱疼難忍如前無異復更前進亦見肉甕盡皆火然如前不異復更前進見一肉瓶其火焰熾如前不異復更前進見大皮泉其火焰熾爛皮浩沸苦聲楚毒亦不異前見已驚怖復更前進其路未遠更見一大肉甕其火焰熾若事如前復更前進見一比丘手捉利刀而自刎鼻則已復生生已復別終而復始無有休息復更前進見一比丘手捉鋸斧自斫已舌終而復始如前不異復更前進見一比丘水中獨立口自唱言水水不息

而受苦毒復更前進見一比丘在鐵刺園立鐵刺上  
苦聲號叫亦不異前復更前進見一肉廳其火焰熾  
苦聲號叫與前不異復更前進見一肉櫞形如象牙  
其火焰熾受苦如前復更前進見一駱駝火燒身體  
苦聲號叫亦不異前復更前進見馬一疋火燒身體  
苦痛號叫亦不異前復更前進見一驢身猛火燒身苦不異前  
復更前進見一驢身猛火燒身苦不異前復更前進  
見一肉臺大火焰熾苦不異前復更前進見一肉臺  
如前不異復更前進見一肉房猛火燒身苦聲號叫

亦不異前復更前進見一肉牀苦聲號叫苦不異前  
復更前進見一肉牀焰火燒身亦不異前復更前進  
見一肉秤火燒伸縮苦不異前復更前進見一肉拘  
執火燒伸縮苦不異前復更前進見一肉繩牀火燒  
受苦亦不異前復更前進見一肉壁火燒搖動苦不  
異前復更前進見一肉索火燒伸縮苦不異前復更  
前進見一廁井屎尿涌沸苦不異前復更前進見一  
高座上有比丘攝心端坐猛火焚燒苦聲如前復更  
前進更見高座受苦比丘亦不異前復更前進見肉  
捷椎火燒苦聲亦不異前復更前進見肉梵岐支梵

名拘修羅猛火燒身受苦如前復更前進見一肉拘  
修羅受苦如前復更前進見大肉山猛火燒爛震動  
號吼苦不異前復更前進見須曼那華樹火燒受苦  
亦不異前復更前進見肉華樹火燒出聲苦不異前復  
更前進見肉累樹火燒苦聲亦不異前復更前進更  
見一樹火燒受苦亦不異前復更前進見一肉柱火  
燒受苦亦不異前復更前進見一肉柱獄卒斧斫  
受苦如前復更前進見一肉柱火燒受苦亦不異前  
復更前進見十四肉樹火燒受苦亦不異前復更前

進見二比丘以拳相打頭破腦裂膿血流出消已還  
生終而復始苦不休息僧護比丘小更前進見二沙  
彌眠卧相抱猛火燒身苦不休息僧護比丘見已驚  
怖問沙彌言汝是何人受如是苦沙彌答言閻浮提  
人受性難信汝到世尊所便可問佛見已驚怖復更  
進路遙見林樹榮茂可樂往趣入林見五百仙人遊  
止林間仙人見僧護比丘馳散避去相共謂言釋迦  
弟子汗我等園僧護比丘從仙人借樹寄止一宿明  
當早去仙人衆中第一上座有大慈悲勑諸小仙借  
沙門樹僧護比丘卽得一樹於其樹下敷尼師壇跏

趺而坐於初夜中伏滅五蓋中夜眠息後夜端坐高  
聲作唄時諸仙人聞作唄聲悟解性空證不還果見  
法歡喜詣沙門所頭面作禮請祈沙門受三歸依於  
佛法中求欲出家爾時僧護比丘卽度仙人如法出  
家教修禪法不久得定證羅漢果如栴檀栴檀自相  
圍遶得道比丘賢聖爲衆爾時僧護比丘與諸弟子  
俱共詣舍衛國中祇桓精舍到於佛所頭面禮足却  
坐一面爾時世尊慰勞諸比丘汝等行路不疲苦耶  
乞食易得不爾時僧護比丘白佛言世尊我等行路  
不大疲苦乞食易得不生勞勤得見世尊爾時世尊

二寺者亦非僧寺復非比丘是地獄人迦葉佛時是出家人五德不具諸檀越等造作寺廟四事豐足檀越初心造寺之時要打犍椎作曠濟意是諸比丘不打犍椎默然受用客比丘來不得飲食還空鉢出以是因緣受火燒苦遞相爪摸筋肉消盡骨如燋炷從迦葉佛涅槃已來受如是苦至今不息汝見第三寺者非是僧寺亦非比丘是地獄人迦葉佛時是出家人懈怠比丘多人共住共相謂言我等今者可共請一持律比丘共作法事可得如法卽時推覓得一淨行比丘共住食宿此淨行比丘復更推覓同行比丘

時淨行人轉轉增多卽便追逐令出寺外時破戒人於夜分中以火燒寺滅諸比丘以是因緣手捉鐵椎互相摧滅從迦葉佛涅槃已來受大苦惱至今不息汝見第四寺者非是僧寺亦非比丘是地獄人迦葉佛時是出家人常住寺中有諸檀越施脂肉來應現前分時有客僧來舊住比丘以慳心故待客出去後方欲分未及得分蟲出臭爛捐棄於外以是因緣入地獄中噉糞屎食從迦葉佛涅槃已來受苦不息汝見第五寺者非是僧寺亦非比丘是地獄人迦葉佛時是出家人臨中食上不如法食惡口相罵以是因

緣受鐵牀苦諸食器中沸火漫然筋肉消盡骨如焦  
炷從迦葉佛涅槃已來至今不息汝見第六寺者非  
是僧寺亦非比丘是地獄人迦葉佛時是出家人不  
打犍椎默然共飲衆僧甜漿恐外僧來慳因緣故墮  
地獄中飲噉鎔銅從迦葉佛涅槃已來受苦至今不  
息爾時佛復告僧護比丘汝見第一地者非是大地  
是地獄人迦葉佛時是出家人衆僧田中爲已私種  
不酬僧直時持律比丘依戒訶責汝今云何不酬僧  
直是人爾時依恃王勢不受教誨答諸比丘我是汝  
奴汝若有力何不自種以是因緣受火地獄苦從迦  
葉佛涅槃已來至今不息汝見第二地者非是大地  
乃是罪人迦葉佛時是白衣人在僧田種不酬僧直  
以是因緣墮地獄中作大肉地受諸苦惱至今不息  
汝見第一肉塊者非是肉塊也乃是罪人迦葉佛時  
是衆僧上座不能禪誦不解戒律飽食熟睡但能論  
說無益之語精餚供養在先飲食以是因緣入地獄  
中作大肉塊火燒受苦至今不息汝見第二塊者非  
是塊耶是地獄人迦葉佛時是出家人五德不具爲  
僧當廚軟美供養在先飲噉麤澀惡者僧中行付以  
是因緣入地獄中作大肉塊火燒受苦至今不息汝

卷之三

新編  
卷之三  
行言

十一

北  
國  
圖  
書

見第三塊者非是塊也是地獄人迦葉佛時是僧淨人作飲食時美妙好者先自嘗歟或與婦兒麤澀惡者持僧中行以是因緣在地獄中作大肉塊火燒受苦至今不息爾時世尊復告僧護比丘汝見第一瓶者非是瓶也是地獄人迦葉佛時是出家人爲僧當廚應朝食者留至後日後日食者至第三日以是因緣入地獄中作大肉瓶火燒受苦至今不息汝見第二瓶者非是瓶耶是地獄人迦葉佛時是出家人在寺常住有諸檀越奉送酥瓶供養現前衆僧人人應分此當事人見有客僧隱留在後客僧去已然後乃

入地獄中刀剗已鼻火燒受苦至今不息汝見比丘  
手捉研斧自斫已舌非是比丘是地獄人迦葉佛時  
出家沙彌而爲衆僧當分石蜜研作分數於斧刃上  
少著石蜜沙彌噉舐以是因緣受研舌苦至今不息  
爾時世尊復告僧護比丘汝見泉者非是水泉是地  
獄人迦葉佛時是出家沙彌爲僧當蜜先自嘗噉後  
付衆僧減少不過以是因緣入地獄中作大肉泉火  
燒沸爛受大苦惱今猶未息汝見比丘刺上立者非  
是比丘是地獄人迦葉佛時是出家人以惡口毀呴  
罵諸比丘以是因緣入地獄中立鐵刺上火燒受苦

至今不息汝見肉軒非是軒也是地獄中人迦葉佛  
時是出家人寺中常住五德不具爲僧當廚精美好  
者先自食歟或時將與白衣使食高下心中行付衆  
僧以是因緣受地獄苦至今不息汝見肉橛者實非  
是橛是地獄人迦葉佛時是由家人寺中常住僧牆  
壁上浪豎諸橛非爲僧事懸已衣鉢以是因緣入地  
獄中作大肉橛火燒受苦至今不息爾時世尊復告  
僧護汝見駱駝者實非是駱駝是地獄人迦葉佛時  
是出家人寺中上座長受食分或得一人二人食分  
持律比丘如法教授上座之法不應如是時老比丘

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

答律師言汝無所知聲如駱駝我於衆中身爲上座  
呪願說法或時作唄計勞應得汝等何故恒瞋責我  
以是因緣入於地獄受駱駝身火燒號叫至今不息  
汝見馬者實非是馬是地獄人迦葉佛時作僧淨人  
用僧供養過分食噉或與眷屬知識白衣諸比丘等  
訶責語言汝不應爾其人惡口訶諸比丘汝猶如馬  
常食不飽我爲僧作甚大勞苦功勲應得以是因緣  
入地獄中受如馬身火燒身體受大苦惱至今不息  
汝見象者非是白象是地獄人迦葉佛時是出家人  
爲僧當厨諸檀越等將諸供養向寺施僧或食後來

檀越白言大德曰猶故未可打犍椎集僧施食比丘  
惡口答白衣言諸比丘等猶如白象食不飽也向食  
已竟停留後日以是因緣入如地獄受白象身火燒  
受苦至今不息汝見驢者實非是驢是地獄人迦葉  
佛時是出家人爲僧當厨五德不具分僧飲食恒自  
長受二三人分持律比丘如法訶責此人答言我當  
僧廚及園果菜常營僧事甚大勞苦汝諸比丘不知  
我恩狀似如驢但養一身何不默然以是因緣入地  
獄中驢身受苦至今不息汝見羝羊實非羝羊是地  
獄人迦葉佛時是出家人爲僧寺主當田內外事事

檢校不勑弟子諸小比丘不如法打椎諸律師等白言寺主何不時節鳴椎集僧比丘答言我當營僧事甚成勞苦汝諸比丘猶如羝羊噉食而住何不自打以是因緣入地獄中受羝羊形火燒痛毒受苦至今不息爾時世尊復告僧護比丘汝見肉臺實非是臺是地獄人迦葉佛時是出家人當僧房敷具閉僧房門將僧戶排四方遊行衆僧於後不得敷具及諸房舍以是因緣入地獄中作大肉臺火燒受苦至今不息汝見第二大肉臺實非是臺是地獄人迦葉佛時是出家人爲僧寺主選好房舍而自受用及與知識

不依戒律隨次分房不平等故以是因緣入於地獄作大肉臺受苦萬端至今不息汝見肉房者非是肉房是地獄人迦葉佛時是出家人住僧房中似是已有終身不移不依戒律以次分房以是因緣作大肉房火燒受苦至今不息爾時世尊復告僧護汝見肉繩牀實非是牀是地獄人迦葉佛時是出家人捉僧繩牀不依戒律如自己有以次分牀以是因緣入於地獄作肉繩牀火燒受苦至今不息汝見第二大繩牀實非是牀是地獄人迦葉佛時是出家人破僧繩牀自用然火以是因緣入地獄中作肉繩牀火燒受苦

至今不息汝見肉敷具者實非敷具是地獄人迦葉  
佛時是出家人用僧敷具如自己有以脚踢上不依  
戒律以是因緣入地獄中作肉敷具火燒伸縮受苦  
萬端至今不息汝見肉拘執者實非拘執是地獄人  
迦葉佛時是出家人以僧拘執如自己有不依戒律  
用或破壞以是因緣入地獄中作肉拘執火燒受苦  
至今不息汝見肉繩牀者實非是牀是地獄人迦葉  
佛時是出家人恃王勢力似如聖德四輩弟子聖心  
讚歎時彼比丘默然受歎施好繩牀及諸好飲食作  
聖心受以是因緣入地獄中作肉繩牀火燒受苦至  
今不息汝見肉壁者實非是壁是地獄人迦葉佛時  
是出家人衆僧壁上豎橛破壁懸已衣鉢以是因緣  
入於地獄作大肉壁火燒受苦至今不息汝見肉索  
實非是索是地獄人迦葉佛時是出家人捉衆僧索  
私自己用以是因緣墮地獄中作大肉索火燒受苦  
至今不息汝見廁井實非廁井是地獄人迦葉佛時  
是出家人往寺比丘佛僧淨地大小便利不擇處所  
持律比丘如法呵責不受教誨糞氣臭穢熏諸衆僧  
以是因緣入地獄中作肉廁井火燒受苦至今不息  
汝見高座法師實非法師是地獄人迦葉佛時是出

家人不明律藏說重作輕說輕爲重有根之人說作無根無根之人說道有根應懺悔者說言不懺不應懺者強說道懺以是因緣入地獄中坐高座上火燒受苦至今不息汝見第二高座實非法師是地獄人迦葉佛時是大法師邪命說法得利養處如理而說無利養時法說非法非法說法以是因緣入於地獄處鐵高座火燒受苦至今不息汝見肉犍椎號叫聲者實非犍椎是地獄人迦葉佛時是出家人以三寶物非法打椎詐作羯磨捉三寶物爲已受用以是因緣入地獄中作肉犍椎火燒受苦至今不息汝見拘

修羅實非祇支是地獄人迦葉佛時是出家人爲僧寺主以僧厨食銜賣得物用作衣裳斷僧供養以是因緣入地獄中作肉祇支火燒受苦至今不息汝見第二拘修羅實非祇支是地獄人迦葉佛時是出家人作僧寺中分物維那以春分物轉至夏分夏分中衣物向冬中分以是因緣入地獄中作肉拘修羅火燒受苦至今不息汝見肉山非是肉山是地獄人迦葉佛時是出家人爲僧典座五德不具少有威勢偷取僧物斷僧衣裳以是因緣墮地獄中作大肉山火燒受苦至今不息爾時世尊復告僧護汝始初見須

曼那柱實非是柱是地獄人迦葉佛時是出家人當  
佛刹人四輩檀越以須曼那華散供養佛華既乾已  
比丘掃取賣爲已用以是因緣入地獄中作須曼那  
柱火燒受苦至今不息汝見第二須曼華柱實非是  
柱是地獄人迦葉佛時是出家人當供養刹四輩檀  
越以須曼那華油用供養佛比丘減取爲已自用以  
是因緣墮地獄中作須曼柱火燒受苦至今不息汝  
見華樹實非是樹是地獄人迦葉佛時是出家人當  
僧果菜園有好華果爲已私用或與白衣以是因緣  
入地獄中作大華樹火燒受苦至今不息汝見肉果  
樹實非果樹是地獄人迦葉佛時是出家人當僧菜  
果香美好果私自食歟或與白衣以是因緣入地獄  
中作肉果樹火燒受苦至今不息汝見肉樹實非是  
樹是地獄人迦葉佛時是出家人爲僧當薪以衆僧  
薪房中自然或與知識以是因緣入地獄中作大肉  
樹火燒受苦至今不息爾時世尊復告僧護比丘汝  
見第一肉柱者實非是柱是地獄人迦葉佛時是出  
家人寺中常住破佛刹柱爲已私用以是因緣入地  
獄中作大肉柱火燒受苦至今不息汝見第二肉柱  
者實非是柱是地獄人迦葉佛時是白衣人以刀刮

取像上金薄以是因緣墮地獄中作大肉柱獄卒捉  
斧斫身受苦猛火燒身至今不息汝見第三肉柱者  
實非是柱是地獄人迦葉佛時是出家人爲僧當事  
用僧梁柱浪與白衣以是因緣入地獄中作大肉柱  
火燒受苦至今不息汝見四肉樹實非是樹是四罪  
人是地獄人迦葉佛時是出家人五德不具作大衆  
主爲僧斷事隨愛怖瞋癡斷事不平以是因緣入地  
獄中作四肉樹火燒受苦至今不息汝見十四樹者  
實非是樹是地獄人迦葉佛時是出家人在寺常住  
不依戒律分諸敷具好者自取或隨瞋愛好惡差別

於佛法中塵沙比丘應隨次受不平等故以是因緣  
此十四人墮地獄中作大肉樹火燒受苦至今不息  
汝見二比丘者實非比丘是地獄人迦葉佛時是出  
家人於大衆中鬪諍相打以是因緣入地獄中獄火  
焚身受相打苦至今不息汝見二沙彌者實非沙彌  
是地獄人迦葉佛時是出家沙彌共一被褥中相抱  
眠卧以是因緣入地獄中火燒被褥中相抱受苦至  
今不息爾時世尊重告僧護比丘以是因緣故我今  
語汝在地獄中出家者衆白衣渺少所以者何出家  
之衆多喜犯禁戒不順毗尼互相欺凌私用僧物或

分飲食不能平等是故我今更重告汝當勤持戒頂  
戴奉行爾時世尊復告僧護我今語汝是諸罪人於  
過去世出家破戒雖不精進四輩檀越見諸比丘威  
儀以僧恭敬僧寶四事供養猶故能令得大果報無  
量無邊不可思議我復語汝如前罪人先世出家化  
僧物故墮大地獄後於未來世中有諸白衣取衆僧  
物者罪過於前說出家之人百千萬倍不可窮盡我  
復語汝若一比丘順於毗尼在僧伽藍如法行道依  
時鳴椎若施此人得福猶多說不可盡何況供養四  
方僧衆爾時世尊復告僧護若出家人營僧事業難

持淨戒是諸比丘初出家時樂持淨戒求涅槃心四  
輩檀越送供養時是諸比丘應受是供堅持淨戒後  
不生惱爾時世尊欲重宣此義而說偈言

持戒最爲樂 身不受諸惱 睡眠得安隱

寤則心歡喜

爾時世尊說是偈已復告僧護有九種人常處阿鼻  
大地獄中何等爲九一者食僧物二者佛物三者殺  
父四者殺母五者殺阿羅漢六者破和合僧七者破  
比丘淨戒八者犯淨行尼九者作一闡提是九種人  
恒在地獄有五種人二處受報一者地獄二者餓鬼

其地獄者如汝所見是諸地獄其餓鬼者身形長大  
何者爲五一者斷施衆僧物二者斷施僧食三者劫  
僧噉物四者應得施能令不得五者法說非法非法  
說法此五種人受是二報餘業不盡五道中受爾時  
世尊欲重宣此義而說偈言

行惡感地獄 造善受天樂 若能修空定  
漏盡證涅槃

爾時世尊復告僧護汝於海中所見龍王受此龍身  
牙甲鱗角其狀可畏臭穢難近以畜生道障出家法  
亦障修禪無八解脫果雖得長壽不能得免金翅鳥

王之所食噉命終之後生兜率天天中命盡得受人  
身彌勒出世作大長者財富巨億爲大檀越供養供  
給彌勒世尊及諸比丘四事具足是諸長者有五百  
人同時出家得羅漢果功高名遠衆所知識是諸龍  
王猶尚能得如是功德況我弟子如法出家坐禪誦  
經三業具足必證涅槃爾時世尊無問自說

歸依佛者 得大吉利 畫夜心中 不離念佛  
歸依法者 得大吉利 畫夜心中 不離念法  
歸依僧者 得大吉利 畫夜心中 不離念僧  
爾時僧護弟子五百商人於大衆中聞佛說法忽然

驚怖悟解無常共相謂言我等從昔無量劫來處處經歷受生死苦皆是無明貪心所造卽從座起長跪合掌而白佛言我等今日歸依三寶受持五戒盡形不犯爾時世尊告僧護曰衆僧供養有應得者不應得者何者應得持戒滿足出入常念輕重等持恐怖不犯如是之人應受供養爾時世尊卽說偈言

歡喜受他施 三衣常知足 定慧修三業

安樂在山谷

爾時世尊告僧護曰何者不應受供養持戒不滿出入不念輕重不畏如是之人不應受供養爾時世尊

卽說偈言

寧食大鐵丸 煙熱如火焰 破戒不應受  
得信檀越食

佛告諸善男子善女人聞此偈者若得信心樂出家者清淨持戒頂戴奉行爾時諸比丘白佛言世尊如是等輩五百仙人在過去世於何法中種諸善根於何時中修行道業以何業緣今得出家煩惱漏盡證阿羅漢果如來遍知明達三世知諸仙人所修善業於大眾中卽說本緣佛告諸比丘此賢劫中過去之世迦葉佛時人壽二萬歲有大長者名曰供意財富

巨億於孝行中小違父母慚愧懺悔卽詣佛所出家修道學習未久作大法師供意比丘說法化度五百弟子將諸弟子入山林中阿練若處修禪定業心生歡喜亦教弟子俱修禪定造作禪珍覺杖法杖法用或就初中後夜精勤不息未得觀慧師徒相戀詳發善願作如是言我等今日師徒相順於迦葉如來正法之中出家修道持戒定慧業以此善根願未來世得值釋迦十號具足天人中尊真實不虛還遇和尚度我出家漏盡得道爾時佛告諸大比丘爾時供意長者豈異人乎卽僧護比丘是五百弟子豈異人乎

今五百仙人是因過去世迦葉佛時所種諸善根因發願故今得正見還值和尚正信出家漏盡得道爾時世尊於大衆中說因緣已時四部衆歡喜奉行

浴室及六寺

二地總三堦

兩瓶涌肉泉

一龕刀刑鼻

研舌水中立

立刺肉廳橛

駝馬白象驢

瓶羊雙肉臺

肉房三繩牀

肉秤及拘執

牀壁肉繩索

廁井兩高座

推二拘修羅

兩肉須曼柱

華果一肉樹

一樹三肉柱

兩雙十四樹

兩僧一沙彌

合有五十六

說法本因緣

佛因僧護說

# 佛說因緣僧護經

音釋

愕

驚逆各切

憤鬧

憤古對切

心亂也

蚊蝠

蚊無分切

毘

胡江切

長摸

屋號切

搔也

甕

烏貢切

刑魚厥切

鉸

斤音

也

袞都黎切

秤昌孕切

衡也

武進信官張璋捐俸刻

佛說因緣僧護經

東塔寺釋道源同對

崇禎壬午仲夏虞山華嚴閣識

經一卷	共字八千七百六	計寫銀三錢五分	十三箇
上元子從龍書	共板十二塊	計刻銀三兩零六	七厘
句容潘守誠刻	共計工價銀四錢八分	上元子從龍書	工價銀四錢八分

# 佛說大乘莊嚴寶王經卷第一

宋西天印慶慧爛駁羅國藏沙門天息災奉 詔譯

如是我聞一時世尊在舍衛國祇樹給孤獨園與大苾芻衆千二百五十人俱并諸菩薩摩訶薩衆其名曰金剛手菩薩摩訶薩智見菩薩摩訶薩金剛軍菩薩摩訶薩祕密藏菩薩摩訶薩虛空藏菩薩摩訶薩日藏菩薩摩訶薩無動菩薩摩訶薩寶手菩薩摩訶薩普賢菩薩摩訶薩證真常菩薩摩訶薩除蓋障菩薩摩訶薩大勤勇菩薩摩訶薩藥王菩薩摩訶薩觀自在菩薩摩訶薩執金剛菩薩摩訶薩海慧菩薩摩

訶薩持法菩薩摩訶薩等八十俱胝菩薩皆來集會  
是時復有三十二諸天子衆皆來集會大自在天及  
那羅延天而爲上首帝釋天王索訶世界主大梵天  
王日天月天風天水天如是諸天衆等皆來集會復  
有百千龍王所謂阿鉢邏羅龍王瞻羅鉢怛哩<sub>二</sub><sup>合</sup>龍  
王底銘凝隸龍王主地龍王百頭龍王虎虜紀拏龍  
王得又計龍王牛頭龍王鹿頭龍王難陀龍王跋難  
陀龍王魚子龍王無熟惱龍王娑藥哩拏龍王如是  
諸龍王等皆來集會復有百千彥達囉王所謂鼓音  
彥達囉王妙聲彥達囉王千臂彥達囉王天主彥達  
囉王身歡喜彥達囉王種種樂音彥達囉王莊嚴彥  
達囉王現童子身彥達囉王妙臂彥達囉王法樂彥  
達囉王如是等諸彥達囉王皆來集會復有百千緊  
那羅王所謂妙口緊那羅王寶冠緊那羅王熙怡緊  
那羅王歡喜緊那羅王輪莊嚴緊那羅王珠寶緊那  
羅王大腹緊那羅王堅固精進緊那羅王妙勇緊那  
羅王百口緊那羅王大樹緊那羅王如是等諸緊那  
羅王皆來集會復有百千天女所謂最上天女妙嚴  
天女金帶天女莊嚴天女聞持天女甘露月天女清  
淨身天女寶光天女花身天女天面天女口演五樂

音天女快樂天女金鬘天女青蓮華天女宣法音天女妙樂天女樂生天女妙嚴相天女嚴持天女布施天女潔已天女如是諸天女等亦來集會復有百千諸龍王女所謂妙嚴持龍女母皆隣那龍女三髻龍女和容龍女勝吉祥龍女電眼龍女電光龍女妙山龍女百眷屬龍女大藥龍女月光龍女一首龍女百臂龍女受持龍女無煩惱龍女善莊嚴龍女白雲龍女乘車龍女未來龍女多眷屬龍女海深龍女妙高吉祥龍女龍女法座龍女妙手龍女海腹龍女蓋面龍女如是諸龍女等亦來集會復有百千彥達囉女所謂愛面彥達囉女愛施彥達囉女無見彥達囉女妙吉祥彥達囉女金剛鬘彥達囉女妙鬘彥達囉女樹林彥達囉女百花彥達囉女花敷彥達囉女寶鬘彥達囉女妙腹彥達囉女吉祥王彥達囉女鼓音彥達囉女妙莊嚴彥達囉女豐禮彥達囉女法愛彥達囉女蓮華吉祥彥達囉女大蓮華彥達囉女體清淨彥達囉女自在行彥達囉女施地彥達囉女施果彥達囉女師子步彥達囉女知母那花彥達囉女妙意彥達囉女惠施彥達囉女天語言彥達囉女愛忍辱彥達囉女

女樂真寂彥達囉女寶牙彥達囉女帝釋樂彥達囉  
 女世主眷屬彥達囉女鹿王彥達囉女變化吉祥彥  
 達囉女癡解脫彥達囉女善知識眷屬彥達囉女寶  
 座彥達囉女往來彥達囉女火光彥達囉女月光彥  
 達囉女徧照眼彥達囉女金耀彥達囉女樂善知識  
 彥達囉女如是等諸彥達囉女亦來集會復有百千  
 緊那羅女所謂一意緊那羅女深意緊那羅女風行  
 緊那羅女水行緊那羅女乘空緊那羅女迅疾緊那  
 羅女財施緊那羅女妙牙緊那羅女無動吉祥緊那  
 羅女染界緊那羅女熾盛光徧緊那羅女妙吉祥緊  
 那羅女寶篋緊那羅女觀財緊那羅女端嚴緊那羅  
 女金剛面緊那羅女金色緊那羅女殊妙莊嚴緊那羅  
 羅女廣額緊那羅女圍遶善知識緊那羅女主世緊  
 那羅女虛空護緊那羅女莊嚴王緊那羅女珠髻緊  
 那羅女總持珠緊那羅女明人圍遶緊那羅女百名  
 緊那羅女施壽緊那羅女護持佛法緊那羅女法界  
 護緊那羅女上莊嚴緊那羅女刹那上緊那羅女求  
 法常持緊那羅女時常見緊那羅女無畏緊那羅女  
 趣解脫緊那羅女常祕密緊那羅女駛總持緊那羅

78910123456789201234567893012345  
女劔光焰緊那囉女地行緊那囉女護天主緊那囉  
女妙天主緊那囉女寶王緊那囉女忍辱部緊那囉  
女行施緊那囉女多住處緊那囉女持戰器緊那囉  
女妙嚴緊那囉女妙意緊那囉女如是等諸緊那囉  
女亦來集會復有百千鄖波索迦鄖波斯迦亦來集  
會及餘無數在家出家之衆百千異見外道尼乾他  
等亦皆來於大集會中是時大阿鼻地獄出大光明  
其光徧照祇陀林園其園悉皆變成清淨現天摩尼  
寶莊嚴柱微妙圓滿現大樓閣金寶校飾復現諸房  
現黃金房白銀爲門現白銀房黃金爲門現金銀間  
錯房金銀間錯以爲其門現金銀間錯寶莊嚴殿金  
銀間錯妙寶莊嚴以爲其柱現黃金殿白銀爲柱現  
白銀殿黃金爲柱或白銀殿天諸妙寶以嚴其柱祇  
陀林樹上現種種天妙衆寶而爲莊嚴復現黃金劫  
樹白銀爲葉其樹上有種種莊嚴懸挂百種上妙衣  
服嬌奢耶等復有百千真珠瓔珞寶網羅上復有百  
千上妙寶冠耳璫繪帶玲瓏雜寶而嚴飾之復有上  
妙雜華上妙臥具微妙寶篋以爲嚴飾如是種種莊  
嚴劫樹出現其數而有百千其祇陀林衆園門樓全  
剛妙寶以爲階陛其樓上有無數殊妙繪綵真珠瓔

洛如是莊嚴復有百千上妙寶池八功德水充滿其中而有上妙圓滿雜華所謂優鉢羅華矩母那華奔  
拏哩<sub>引</sub>迦華曼那羅華摩訶曼那羅華優曇鉢羅華等盈滿池中復有種種上妙華樹所謂瞻波迦華樹迦羅尾囉<sub>合</sub>華樹波吒擲華樹妙解脫華樹香雨華樹妙意華樹有如是等悅意華樹其祇樹園現如是等希有淨妙莊嚴之相是時會中有除蓋障菩薩訶薩從座而起偏袒右肩右膝著地合掌恭敬瞻仰尊顏而白佛言希有世尊我今心中而有疑事欲問如來唯願世尊聽我所問世尊今於此處有大光明

鼻地獄其中有情受如是苦世尊聖觀自在菩薩摩訶薩以何方便入於其中世尊復告除蓋障菩薩摩訶薩言善男子由如轉輪聖王入天摩尼寶園如是善男子聖觀自在菩薩摩訶薩入大阿鼻地獄之時其身不能有所障礙時阿鼻地獄一切苦具無能逼切菩薩之身其大地獄猛火悉滅成清涼地是時獄中閻魔獄卒心生驚疑恠未曾有何故此中忽然變成如是非常之相是時觀自在菩薩摩訶薩入其獄中破彼鑊湯猛火悉滅其大火坑變成寶池池中蓮華大如車輪是時閻魔獄卒見是事已將諸治罰器杖刀劍鎗棒弓箭鐵輪三股叉等往詣閻魔天子到已白言大王決定能知我此業報之地以何事故悉皆滅盡時閻魔天子言云何汝所業報之地悉皆滅盡復白閻魔天子言彼大阿鼻地獄變成清涼如是事時有一色相端嚴之人髮髻頂戴天妙寶冠莊嚴其身入地獄中鑊湯破壞火坑成池池中蓮華大如車輪是時閻魔天子諦心思惟是何天人威力如是爲大自在天爲那羅延等到彼地獄變現如是不可思議爲是大力十頭羅刹威神變化耶爾時閻魔天子以天眼通觀此天上觀諸天已是時復觀阿鼻地

獄見觀自在菩薩摩訶薩如是見已速疾往詣觀自在菩薩摩訶薩所到已頭面禮足發誠實言以偈讚

曰

歸命蓮華王 大悲觀自在 大自在吉祥  
 能施有情願 具大威神力 降伏極暴惡  
 暗趣爲明燈 觀者皆無畏 示現百千臂  
 其眼亦復然 具足十一面 智如四大海  
 愛樂微妙法 爲救諸有情 鱉魚水族等  
 最上智如山 施寶濟群生 最上大吉祥  
 具福智莊嚴 入於阿鼻獄 變成清涼地

諸天皆供養 頂禮施無畏 說六波羅蜜  
 恒然法燈炬 法眼逾日明 端嚴妙色相  
 身相如金山 妙腹深法海 真如意相應  
 妙德口中現 積集三摩地 無數百千萬  
 有無量快樂 端嚴最上仙 恐怖惡道中  
 枝鎖得解脫 施一切無畏 眷屬衆圍遶  
 所願皆如意 如獲摩尼寶 破壞餓鬼城  
 開爲寂靜道 救度世間病 如蓋覆於幢  
 難陀跋難陀 二龍爲絡腋 手執不空索  
 現無數威德 能破三界怖 金剛手藥叉

羅刹及步多 尾多拏枳你 及與拏畔拏  
阿鉢娑麼蘿 悉皆懷恐怖 優鉢羅華眼  
明主施無畏 一切煩惱等 種種皆解脫  
入於微塵數 百千三摩地 開示諸境界  
一切惡道中 皆令得解脫 成就菩薩道  
是時閻魔天子種種讚歎供養觀自在菩薩摩訶薩  
已旋遶三匝却還本處爾時除蓋障菩薩復白佛言  
世尊彼觀自在菩薩摩訶薩救是苦已還來於此會  
中耶佛告除蓋障菩薩言善男子彼觀自在菩薩從  
大阿鼻地獄出已復入餓鬼大城其中有無數百千  
餓鬼口出火焰燒然面目形體枯瘦頭髮蓬亂身毛  
皆豎腹大如山其咽如針是時觀自在菩薩摩訶薩  
往詣餓鬼大城其城熾然業火悉滅變成清涼時有  
守門鬼將執熱鐵棒醜形巨質兩眼深赤發起慈心  
我今不能守護如是惡業之地是時觀自在菩薩摩  
訶薩起大悲心於十指端各各出河又於足指亦各  
出河一一毛孔皆出大河是諸餓鬼飲其中水飲是  
水時咽喉寬大身相圓滿復得種種上味飲食悉皆  
飽滿此諸餓鬼旣獲如是利益安樂各各心中審諦  
思惟南瞻部洲人何故常受清涼安隱快樂其中或

有善能常行恭敬孝養父母者或有善能惠施遵奉  
善知識者或有聰慧明達常好大乘者或有善能行  
八聖道者或有善能擊法犍椎者或有善能修破壞  
僧伽藍者或有善能修故佛塔者或有善能修破損  
塔相輪者或有善能供養尊重法師者或有善能見  
如來經行處者或有善能見菩薩經行處者或有善  
能見辟支佛經行處者或有善能見阿羅漢經行處  
者作是思惟南瞻部洲有如是等修行之事是時此  
大乘莊嚴寶王經中自然出微妙聲是諸餓鬼得聞  
其聲所執身見雖如山峯及諸煩惱金剛智杵破壞

無餘使得往生極樂世界皆爲菩薩名隨意口是時  
觀自在菩薩摩訶薩救斯苦已又往他方諸世界中  
救度有情是時除蓋障復白佛言世尊觀自在菩薩  
摩訶薩來於此處救度有情耶世尊告言善男子是  
觀自在菩薩救度無數百千俱胝那庾多有情恒無  
間息具大威力過於如來除蓋障白言世尊觀自在  
菩薩摩訶薩云何有如是大威神力佛告善男子於  
過去劫有佛出世名尾鉢尸如來應供正徧知明行  
足善逝世間解無上士調御丈夫天人師佛世尊我  
於是時於一長者家爲子名妙香口於彼佛所聞是

觀自在菩薩威神功德時除蓋障白言世尊所聞觀  
自在菩薩摩訶薩威神功德其事云何世尊告言觀  
自在菩薩於其眼中而出日月額中出大自在天肩  
出梵王天心出那羅延天牙出大辯才天口出風天  
脣出地天腹出水天觀自在身出生如是諸天時觀  
自在菩薩告大自在天子言汝於未來末法世時有  
情界中而有衆生執著邪見皆謂汝於無始已來爲  
大主宰而能出生一切有情是時衆生失菩提道愚  
癡迷惑作如是言

此虛空天身 大地以爲座 境界及有情

皆從是身出

如是善男子我於尾鉢尸如來所聞是已後復有佛  
出號式棄如來應供正徧知明行足善逝世間解無  
上士調御丈夫天人師佛世尊除蓋障我於是時爲  
勇施菩薩摩訶薩於彼佛所聞觀自在菩薩摩訶薩  
威神功德除蓋障言世尊所聞觀自在菩薩摩訶薩  
威神功德其事云何佛言是時式棄如來會中有  
一切天龍藥叉阿蘇羅藥嚩擎摩護羅詭人及非人悉  
來集會時彼世尊於是衆中欲說法時口放種種雜  
色光明所謂青色青光黃色黃光赤色赤光白色白

光紅色紅光波底迦色波底迦光金色金光其光徧照十方一切世界其光還來遶佛三匝却入於口時彼會中有寶手菩薩摩訶薩從座而起偏袒右肩右膝著地合掌恭敬白世尊言何因何緣出現斯瑞佛告善男子極樂世界有觀自在菩薩摩訶薩欲來於此故現斯瑞彼觀自在來此之時出現種種劫樹華樹矩母那華樹瞻波迦華樹復現雜華寶池樹兩種種妙華又雨諸寶摩尼真珠瑠璃螺貝璧玉珊瑚等寶又雨天衣如雲而下彼時祇樹給孤獨園七寶出現所謂金輪寶象寶馬寶珠寶女寶主藏寶主兵寶

如是七寶出現之時其地悉皆變成金色是時觀自在菩薩摩訶薩出彼極樂世界之時地六震動爾時寶手菩薩摩訶薩白世尊言以何因緣出現斯瑞佛言善男子是觀自在菩薩摩訶薩欲來到此故現斯瑞是時又雨適意妙華及妙蓮華時觀自在菩薩手執金色光明千葉蓮華來詣佛所頂禮佛足持是蓮華奉上世尊此華是無量壽佛令我持來世尊受是蓮華致在左邊佛告觀自在菩薩摩訶薩汝今現是神力功德莊嚴於意云何觀自在言我爲救度一切惡趣諸有情故所謂一切餓鬼阿鼻地獄黑繩地獄

等活地獄燒然地獄燒煥地獄鑊湯地獄寒冰地獄  
如是等大地獄中所有衆生我皆救拔離諸惡趣當  
得阿耨多羅三藐三菩提是時觀自在菩薩如是說  
已頂禮佛足禮畢而去忽然不現由如火焰入於虛  
空爾時寶手菩薩白言世尊我今有疑欲問如來願  
爲宣說觀自在菩薩有何福德而能現是神力佛言  
如宛伽河沙數如來應正等覺以天妙衣及以袈裟  
飲食湯藥坐臥具等供養如是諸佛所獲福德與觀  
自在菩薩一毛端福其量無異善男子又如四大洲  
於其一年十二月中於晝夜分恒降大雨我能數其

一一滴數善男子觀自在菩薩所有福德而我不能  
說盡數量善男子又如大海深廣八萬四千踰繕那  
如是四大海水我不能數其一一滴數善男子觀自在  
菩薩所有福德而我不能說盡數量善男子又如四大  
洲所有四足有情師子象馬虎狼熊鹿牛羊如是一  
切四足之類我悉能數一一身中所有毛數善男  
子觀自在菩薩所有福德而我不能說盡數量善男  
子又如有人以天金寶造作如微塵數如來形像而  
於一日皆得成就種種供養所獲福德而我悉能數  
其數量善男子觀自在菩薩所有福德而我不能說

盡數量善男子又如一切樹林我能數其一一葉數觀自在菩薩所有福德而我不能說盡數量善男子又如四大洲所有男子女人童男童女如是之人皆成預流果一來不還阿羅漢果緣覺菩提如是所有福德與觀自在菩薩一毛端福其量無異是時寶手菩薩白世尊言我從昔已來所未曾見亦未曾聞諸佛如來有於如是福德之者世尊觀自在位居菩薩云何而有如是福德耶佛告善男子非獨此界唯我一身乃至他方無數如來應正等覺俱集一處亦不能說盡觀自在菩薩福德數量善男子於此世界若

有人能憶念觀自在菩薩摩訶薩名者是人當來遠離生老病死輪迴之苦猶如鵝王隨風而去速得往生極樂世界面見無量壽如來聽聞妙法如是之人而永不受輪迴之苦無貪瞋癡無老病死無饑饉苦不受胎胞生身之苦承法威力蓮華化生常居彼土候是觀自在菩薩摩訶薩救度一切有情皆得解脫堅固願滿是時寶手菩薩白世尊言此觀自在而於何時救度一切有情皆得解脫堅固願滿世尊告言有情無數常受生死輪迴無有休息是觀自在爲欲救度如是有情證菩提道隨有情類現身說法應以

佛身得度者卽現佛身而爲說法應以菩薩身得度者卽現菩薩身而爲說法應以緣覺身得度者卽現緣覺身而爲說法應以聲聞身得度者卽現聲聞身而爲說法應以大自在天身得度者卽現大自在天身而爲說法應以那羅延身得度者卽現那羅延身而爲說法應以梵王身得度者卽現梵王身而爲說法應以帝釋身得度者卽現帝釋身而爲說法應以日天子身得度者卽現日天子身而爲說法應以月天子身得度者卽現月天子身而爲說法應以火天身得度者卽現火天身而爲說法應以水天身得度者卽現水天身而爲說法應以風天身得度者卽現風天身而爲說法應以龍身得度者卽現龍身而爲說法應以頻那夜迦身得度者卽現頻那夜迦身而爲說法應以藥叉身得度者卽現藥叉身而爲說法應以多聞天王身得度者卽現多聞天王身而爲說法應以人王身得度者卽現人王身而爲說法應以宰官身得度者卽現宰官身而爲說法應以父母身得度者卽現父母身而爲說法善男子觀自在菩薩摩訶薩隨彼有情應可度者如是現身而爲說法救諸有情皆令當證如來涅槃之地是時寶手菩薩白

世尊言我未曾見聞如是不可思議希有世尊觀自在菩薩摩訶薩有如是不可思議實未曾有佛告善男子此南瞻部洲有金剛窟彼有無數百千萬俱胝那庾多阿蘇囉止住其中善男子觀自在菩薩摩訶薩現阿蘇囉身爲是阿蘇囉說此大乘莊嚴寶王經阿蘇囉衆得聞是經皆發慈善之心而以手掌捧觀自在菩薩摩訶薩足聽斯正法皆得安樂若人得聞如是經王而能讀誦是人若有五無間業皆得消除臨命終時有十二如來而來迎之告是人言善男子勿應恐怖汝旣聞是大乘莊嚴寶王經示種種道徃

生極樂世界有微妙蓋天冠耳璫上妙衣服現如是相命終決定徃生極樂世界寶手觀自在菩薩摩訶薩最勝無比現阿蘇囉身令彼阿蘇囉當得涅槃之地是時寶手菩薩頭面著地禮世尊足禮已而退佛說大乘莊嚴寶王經卷第一

音釋

曇

於計切

篋

詰叶切

篋

箱篋也

糜爛

糜忙皮切穆也爛郎耳切火熟也

鉏

傳追

椎

古勇切

柂

同

古勇

經

佛說大乘莊嚴寶王經卷第二

華亭縣弟子池之皎施背刻

佛說大乘莊嚴寶王經卷第一

計字六千零

三十八箇

該銀三兩一分九釐

恭斬

麟兒早育鶴等遐增長

朗智燈淨嚴福果

姑蘇沙門契義對

崇禎四年孟夏月徑山化城寺識

## 佛說大乘莊嚴寶王經卷第二

西天印度惹爛默囉國三藏沙門天息災奉

詔譯

於是式棄佛後有佛出世號尾舍浮如來應供正徧  
知明行足善逝世間解無上士調御丈夫天人師佛  
世尊除蓋障我於是時爲忍辱仙人住處深山其間  
確確欵峯無人能到久住其中是時我於彼如來處  
聞是觀自在菩薩摩訶薩威神功德是觀自在入於  
金地現身爲彼覆面有情而說妙法示八聖道皆令  
當得涅槃之地出此金地又入銀地是處有情而皆  
四足止住其中觀自在菩薩摩訶薩救彼有情而爲

說法汝應諦聽如是正法當須發心審諦思惟我今  
示汝涅槃資糧是諸有情於觀自在前立白菩薩言  
無眼有情救爲開明令見其道無恃怙者爲作父母  
令得恃怙黑闇道中爲然明炬開示解脫正道有情  
若念菩薩名號而得安樂我等常受如是苦難是時  
此等一切有情聞大乘莊嚴寶王經得聞是已皆得  
安樂獲不退地是時觀自在菩薩摩訶薩出於是中  
又入鐵地而於是處禁大力阿蘇羅王菩薩往是處  
時現身如佛是時大力阿蘇羅王遠來迎是觀自在  
菩薩摩訶薩阿蘇羅王宮中有無數眷屬其中多有

背傴矬陋如是眷屬皆來親觀禮觀自在菩薩摩訶  
薩足而說偈言

我今生得果 所願悉圓滿 如意之所希  
斯是我正見

既得見於菩薩我及諸眷屬皆得安樂是以寶座  
獻觀自在菩薩恭敬合掌白言我等眷屬從昔已來  
好樂邪姪常懷瞋怒愛殺生命造是罪業我心憂愁  
恐怖老死輪廻受諸苦惱無主無依垂愍救度爲說  
開解禁縛之道觀自在言善男子如來應正等覺常  
行乞食若能施食所獲福德說無有盡善男子非唯

我身在阿蘇囉窟說不能盡乃至如十二碗伽河沙數如來應正等覺俱在一處而亦不能說盡如是福德數量善男子所有微塵我能數其如是數量善男子施如來食所獲福德而我不能說盡數量善男子又如大海我能數其一一滴數善男子施如來食所獲福德而我不能說盡數量善男子又如四大洲所有男子女人童子童女悉皆田種滿四大洲不植餘物唯種芥子龍順時序降澍雨澤芥子成熟於一洲內以爲其塲治踐俱畢都成大聚善男子如是我能數盡一一粒數善男子施如來食所獲福德而我不能

能說盡數量善男子又如妙高山王入水八萬四千踰繕那出水八萬四千踰繕那善男子如是山王以爲帒積以大海水充滿其中皆爲墨汁以四大洲所有一切男子女人童子童女悉皆書寫妙高山量所積紙聚書盡無餘如是我能數其一字數善男子施如來食所獲福德而我不能說盡數量善男子如是一切書寫之人皆得十地菩薩之位如是菩薩所有福德與施如來一食福德其量無異善男子又如殞伽河沙數大海之中所有沙數我能數其一一沙數善男子施如來食所獲福德而我不能說盡數量

是時大力阿蘇羅王聞說是事涕淚悲泣盈流面目  
心懷懊惱哽噎吁嗟白觀自在菩薩摩訶薩言我於  
往昔而行布施所施之境垢黑非法由斯施故我今  
并諸眷屬反受禁縛在於惡趣受斯業報於今何故  
持少分食奉施如來變成甘露我從昔來愚癡無智  
習行外道婆羅門法時有一人身形矬陋來於我所  
求勾所須我當具辦種種寶冠金銀耳環上妙衣服  
寶莊嚴具闕伽器等復有百千象馬寶車真珠瓔珞  
寶網莊嚴懸衆妙纓而鉸飾之種種寶蓋寶網綃羅  
張施其上繫諸寶鈴震響丁丁復有一千黃牛毛色  
姝好白銀嚴蹄黃金飾角又以真珠雜寶而爲莊鉸  
復有一千童女形體姝妙容貌端嚴狀如天女首飾  
天冠金寶珥璫種種妙衣間廁寶帶指環寶釧瓔珞  
玲瓏微妙華鬘如是種種嚴飾其身復有無數百千  
雜寶之座復有金銀雜寶積聚無數又有群牛數百  
千萬及牧放人又有無數如天上味香美飲食又有  
無數寶鈴無數金銀師子之座無數金柄妙拂無數  
七寶莊嚴繖蓋辦具如是種種作大施時而有百千  
小王皆來集會百千婆羅門亦皆來集無數百千萬  
刹帝利衆亦來集會時我見已心懷疑恠當於是時

唯我最尊具大勢力統領大地我依婆羅門法專爲  
懺悔宿世惡業而欲殺諸刹帝利等及諸妻子眷屬  
取其心肝割剖祀天覲其罪滅是時百千萬刹帝利  
小王我以枷鎖禁在銅窟及無數百千邊地之人悉  
皆禁是窟中而以鐵櫃上安鐵索繫縛諸刹帝利手  
足時我於窟造立其門以之常木爲第一重門以佐  
你羅木爲第二重門復用其鐵爲第三重門又以熟  
銅爲第四重門又以生銅爲第五重門又以白銀爲  
第六重門又以黃金爲第七重門如是七重門上各  
以五百關鎖而牢固之又於一一門上各置一山是

時有那羅延天忽於一日現身爲蠅而來探視又於  
一日而現蜂形又於一日而現猪身又於一日現非  
人相如是日日身相變異而相探覶我時心中思惟  
作是婆羅門法那羅延天見作斯法來於銅窟而相  
破壞去除門上七山一一棄擲異處高聲喚彼所禁  
人言無勝天子等汝身受大苦惱汝等身命爲存活  
耶爲當已死此諸人等聞其喚問隨聲應言我命今  
在那羅延天尊大力精進救我苦難其天便乃破壞  
銅窟七重之門時諸小王在於窟內得脫繫縛之難  
而見那羅延天是時各各心中思惟其大力阿蘇囉

王爲已死耶爲復而今死時方至刹帝利等又作是  
言我寧與彼鬪敵相殺死而有地不應受此禁縛而  
令我死我今當依刹帝利法與彼戰鬪相殺設死其  
地而得生天時諸小王各於自舍排駕車乘鞍勒鞍  
馬執持器仗欲大戰鬪時那羅延天現婆羅門其身  
矬陋著以鹿皮而爲絡腋手中執持三岐拄杖所坐  
之物隨身持行來至我門時守門者告於彼言不應  
入此門內汝矬陋人止勿入中婆羅門言我今自遠  
而來到此守門者問婆羅門言汝從何來婆羅門曰  
我是月氏國王處大仙人也從彼而來時守門者徃

大力阿蘇羅王所白言今有婆羅門其身矬陋而來  
到此大力阿蘇羅王言是人今來何所須耶守門人  
言我今不知所須云何大力阿蘇羅王告言汝去喚  
是婆羅門來守門之人旣奉教勑遂喚婆羅門入於  
其中大力阿蘇羅王見已與寶座令坐大力阿蘇羅  
王師奉所事金星先已在中告大力阿蘇羅王言今  
此婆羅門是其惡人而來到此決定破壞於汝師今  
何故而能知耶告言我今知此所現之身知是云何  
此是那羅延天旣聞此已心卽思惟我行惠施而無  
反覆今來障難破壞於我大力阿蘇羅言我口辯才

當須問是婆羅門言今來我所於意云何婆羅門曰我從於王乞地兩步阿蘇羅告婆羅門言卿所須地而言兩步我當與卿其地三步先以金瓶授與淨水告言須地卿當受取婆羅門受已而呪願曰安樂長壽時婆羅門矬陋之身隱而不現爾時金星告阿蘇羅王言汝今當受惡業果報時那羅延天忽然現身於兩肩上荷負日月手執利劍輪棒弓箭如是器仗時大力阿蘇羅王忽然見已惶惶戰慄其身蹠仆迷悶躰地良久而起今當云何我寧服其毒藥而死耶是時那羅延天步量其地只及兩步更無有餘不迨

三步違先所許我今云何那羅延言王今應當隨我所教時大力阿蘇羅王白言我如所教那羅延曰汝實爾耶大力阿蘇羅王言我實如是此言誠諦心無悔悟是時我依婆羅門教作法之處悉皆破壞所有金銀珍寶莊嚴童女衣服寶鈴繖蓋妙拂師子寶座寶嚴黃牛及諸寶莊嚴具時諸小王衆等悉皆受之便乃出是大力阿蘇羅王作法之地大力阿蘇羅王白觀自在菩薩摩訶薩言我今身心惟爲於往昔依婆羅門法而設廣大布施之會所施之境垢黑不淨我今并諸眷屬是以禁縛在斯鐵窟受大苦惱觀

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

自在我今此依願垂哀愍救脫我等如是苦難而讚歎曰

歸命大悲蓮華手 大蓮華王大吉祥  
種種莊嚴妙色身 首髻天冠嚴衆寶

頂戴彌陀一切智

救度有情而無數

病苦之人求安樂

菩薩現身作醫王

大地爲眼明踰日

最上清淨微妙眼

照矚有情得解脫

能得解脫已妙相應

猶如意摩尼寶

能護真實妙法藏

而恒說六波羅蜜

稱揚斯法具大智

我今虔懇至歸依 讚歎大悲觀自在

有情憶念菩薩名

離苦解脫獲安隱

作惡業故墮黑繩

及大阿鼻地獄道

諸有餓鬼苦趣者

稱名恐怖皆解脫

如是惡道諸有情

悉皆離苦得安樂

若人恒念大士名

當得往生極樂界

面見如來無量壽

聽聞妙法證無生

是時觀自在菩薩摩訶薩與大力阿蘇囉王授其記  
別汝於當來得成爲佛號曰吉祥如來應供正徧知  
明行足善逝世間解無上士調御丈夫天人師佛世

尊汝於是時當證六字大明總持之門今此一切阿蘇囉王汝於當來悉皆救度如是佛刹一切有情而不聞有貪瞋癡聲時大力阿蘇羅王聞斯授記卽以價直百千真珠瓔珞復以種種妙寶莊嚴百千萬數天冠珥璫持以奉上願垂納受爾時觀自在菩薩摩訶薩告大力阿蘇羅王言我今爲汝說法應當諦聽汝應思惟乃至於人無常幻化命難久保汝等而常心中思惟貪愛具大福德心常愛樂奴婢人民乃至穀麥倉庫及大伏藏心常愛樂父母妻子及諸眷屬如是等物雖恒愛樂如夢所見臨命終時無能相救

得不命終此南瞻部洲由是顛倒命終之後見大奈河膿血盈流又見大樹猛火熾然見斯事已心生驚怖是時間魔獄卒以繩繫縛急牽挽走履鋒刃大路舉足下足剗割傷截而有無數烏鵞矩囉囉鳥及獵狗等而啖食之於大地獄受其極苦所履鋒刃大路之中復有大刺長十六指隨一一步有五百刺刺入腳中悲啼號哭而言我等有情皆爲愛造罪業今受大苦我今云何時間魔獄卒告言汝從昔來未曾以食施諸沙門亦未曾聞法捷椎聲未曾旋遶塔像時諸罪人告聞魔獄卒言我爲罪障於佛法僧不解

仲言先生集卷之二

上  
卷

信敬而恒遠離獄卒告言汝以自造種種惡業今受苦報獄卒於是將諸罪人往閻魔王所到已立在面前時閻魔王言汝去往於業報之處是時閻魔獄卒驅領罪人往黑繩大地獄所到已是諸罪人一一拋擲入地獄中旣擲入已一一罪人各有百槍攢刺其身命皆不死次有二百大槍俱攢刺身其命亦活後有三百大槍一時攢刺其身命亦不死命旣生活是時而又擲之入大火坑命亦不死而於是時以熱鐵丸入於口中令吞咽之脣齒斷腭及其咽喉悉燒爛壞心藏腸肚煎煮沸然徧身焦壞告大力阿蘇囉王

言受斯苦時而無一人能相救者汝當知之我今爲汝說如是法汝等應當躬自作福時觀自在菩薩摩訥薩告大力阿蘇羅王言我今欲往祇樹林園彼於今日大衆集會是時觀自在菩薩放無數雜色光明所謂青色光明黃色光明紅色光明白色光明波底迦色光明金色光明等如是光明徃尾舍浮如來前時有天龍藥叉羅刹娑緊那羅摩護羅詭并諸人等悉皆集會復有無數菩薩摩訥薩亦皆集會於是衆中有一菩薩名虛空藏從座而起整衣服偏袒右肩右膝著地恭敬合掌向佛而白佛言世尊今此光明

爲從何來佛告善男子今此光明是觀自在菩薩在大力阿蘇羅王宮中放斯光明而來至此時虛空藏菩薩白世尊言我今以何方便而能見彼觀自在菩薩佛告善男子彼菩薩亦當來此觀自在菩薩出大力阿蘇羅王宮時祇陀林園忽然而有天妙華樹天劫波樹而有無數諸天鮮妙雜色莊嚴上懸百種真珠瓔珞又懸懶尸迦衣及餘種種衣服樹身枝條其色深紅金銀爲葉復有無數微妙香樹殊妙華樹無數寶池有百千萬雜色妙華充滿其中出現如是時虛空藏菩薩白世尊言彼觀自在菩薩於今何故而

未來耶佛告善男子彼觀自在菩薩從大力阿蘇羅王宮出已而有一處名曰黑暗無人能到善男子彼黑暗處日月光明之所不照有如意寶名曰隨願而於恒時發光明照彼有無數百千萬藥叉止住其中於時見觀自在菩薩入於其中心懷歡喜踴躍奔馳而來迎逆觀自在菩薩頭面禮足而問訊言菩薩于今無疲勞耶久不來此黑暗之地觀自在菩薩言我爲救度諸有情故時彼藥叉羅刹以天金寶師子之座而請就坐於是菩薩爲彼藥叉羅刹說法汝當諦聽有大乘經名莊嚴寶王若有得聞一四句偈而能

受持讀誦解說其義心常思惟所獲福德無有限量善男子所有微塵我能數其如是數量善男子若於此大乘莊嚴寶王經而能受持一四句偈所獲福德而我不能數其數量若以大海所有之水我能數其一一滴數若於此經有能受持一四句偈所獲福德而我不能數其數量假使十二殼伽河沙數如來應正等覺經十二劫俱在一處恒以衣服飲食臥具湯藥及餘資具奉施供養如是諸佛而亦不能說盡如是福德數量非唯於我在黑暗處說不能盡善男子又如四大洲人各各以自所居舍造立精舍而

於其中以天金寶造千窣堵波而於一日悉皆成就種種供養所獲福德不如於此經中而能受持一四句偈所獲福德善男子如五大河入於大海如是流行無有窮盡若有能持此大乘經四句偈者所獲福德流行亦復無盡時彼藥叉羅刹白觀自在菩薩言若有有情而能書寫此大乘經所獲福德其量云何善男子所獲福德無有邊際若人有能書寫此經則同書寫八萬四千法藏而無有異是人當得轉輪聖王統四大洲威德自在面貌端嚴千子圍遶一切他敵自然臣伏若有人能常時但念此經名號是人速

得解脫輪廻之苦遠離老死憂悲苦惱是人於後所生之處能憶宿命其身常有牛頭栴檀之香口中常出青蓮華香身相圓滿具大勢力說是法時彼諸藥叉羅刹有得預流果者其中或有一來果者作如是言唯願菩薩且住於此勿往餘處我今於此黑暗之地以天金寶造窣堵波又以金寶造經行處是時觀自在菩薩摩訶薩告言我爲救度無數有情皆令當得菩提道故欲往餘處時諸藥叉羅刹各各低頭以手指顙徘徊意緒而思惟之作如是言今觀自在菩薩摩訶薩捨此而去於後誰能爲於我等說微妙

法觀自在菩薩摩訶薩於是而去彼諸藥叉羅刹悉  
皆隨侍而送觀自在菩薩摩訶薩告言汝等而來已  
遠應還所住時諸藥叉羅刹頭面著地禮觀自在菩  
薩摩訶薩足已還歸本處時觀自在菩薩摩訶薩猶  
如火焰上昇虛空而徃天宮到彼天上現婆羅門身  
彼天衆中有一天子名妙嚴耳而常貧窮受斯苦報  
時觀自在菩薩所現婆羅門身詣彼天子所到已告  
言我患饑餓而復困渴時彼天子垂泣而告婆羅門  
言我今貧匱無物所奉婆羅門言我切所須必應相  
饋乃至少分時彼天子俛仰入宮搜求所有忽然見

其諸大寶器復盛異寶盈滿其中復有寶器滿中而  
盛上味飲食又有嚴身上妙衣服盈滿宮中時彼天  
子心懷思惟今此門外婆羅門決定是其不可思議  
之人令我得是殊常之福於是請彼大婆羅門入其  
宮中持天妙寶及天上味飲食以奉供養受斯供已  
而呪願言安樂長壽時彼天子白婆羅門言賢者爲  
從何方而來到此婆羅門言我從祇陀樹林大精舍  
中於彼而來天子問言彼地云何婆羅門告言彼祇  
陀林精舍之中其地清淨出現天摩尼寶莊嚴劫樹  
又現種種適意摩尼之寶又現種種寶池又有戒德

威嚴具大智慧無數大衆出現其中彼有佛號尾舍  
浮如來於是聖天所住之地有如是變化出現之事  
時彼天子白言賢者云何大婆羅門宜誠諦說爲是  
天耶爲是人耶賢者于今云何出現斯瑞時婆羅門  
言我非是天亦非是人我是菩薩爲欲救度一切有  
情皆令得見大菩提道於是天子旣聞斯已卽以天  
妙寶冠莊嚴耳璫持奉供養而說偈言

我遇功德地遠離諸罪垢如今種勝田  
現獲於果報

於是天子說斯偈時彼婆羅門化度事訖而出天宮

卽時而往師子國內到已於諸羅刹女前當面而立  
其所現身相貌端嚴殊色希奇諸羅刹女見斯容質  
而起慾心旣懷欣慕於是移步親近而告彼言可謂  
我夫我是童女未經適婢願爲我夫今旣來此勿復  
餘去如人無主而能爲主又如閨室爲然明炬我今  
此有飲食衣服庫藏豐盈及有適意果園悅意水池  
告羅刹女言汝今應當聽我所說羅刹女言唯然願  
聞旨諭云何我今爲汝說八正道法又爲說四聖諦  
法時羅刹女得聞是法各獲果證有得預流果者或  
得一來果者無貪瞋癡苦不起恶心無煞命意其心  
樂法樂住於戒作如是言我從今已去而不殺生如  
南瞻部洲奉戒之人清淨飲食如是活命我自于今  
活命亦爾於是羅刹女不造惡業受持學處觀自在菩薩摩訶薩出師子國而往波羅奈大城穢惡之處  
彼有無數百千萬類蟲蛆之屬依止而住觀自在菩薩爲欲救度彼有情故遂現蜂形而往於彼口中出聲作如是云曩謨沒馱野彼諸蟲類隨其所聞而皆稱念亦復如是由斯力故彼類有情所執身見雖如山峯及諸隨惑金剛智杵一切破壞便得往生極樂世界皆爲菩薩同名妙香口於是救度彼有情

已出波羅奈大城而往摩伽陀國時彼國中值天亢旱滿二十歲見彼衆人及諸有情饑饉苦惱之所逼切悉皆互相食噉身肉是時觀自在菩薩心懷思惟以何方便救此有情時觀自在菩薩種種降雨先降雨澤蘇息枯涸然後復雨種種之器各各滿中而盛味中上味飲食時彼衆人皆得如是飲食飽滿是時又雨資糧粟豆等物於是彼諸人等所須之物隨意滿足時摩伽陀國一切人民心懷驚愕怪未曾有時衆於是集在一處既俱集已各作是言于今云何天之威力致如是耶於彼衆中而有一人耆年老大其身偃蹇而策其杖此人壽命無數百千告衆人言此非是天之威力今此所現定是觀自在菩薩威德神力之所變現衆人問言彼觀自在菩薩何故而能出現斯瑞耆舊於是卽說彼聖觀自在功德神力爲育冥者而爲明燈陽焰熾盛爲作廬覆渴乏之者爲現河流於恐畏處施令無畏病苦所惱而爲醫藥受苦有情爲作父母阿鼻地獄其中有情令見涅槃之道能令世間一切有情得是功德利益安樂若復有人念是觀自在菩薩名者是人當來遠離一切輪迴之苦衆人聞已咸稱善哉若有人能於觀自在像前建

立四方曼拏羅常以香華供養觀自在菩薩者是人  
當來而得轉輪聖王七寶具足所謂金輪寶象寶馬  
寶珠寶女寶主藏寶主兵寶得如是七寶若復有人  
能以一華供養觀自在菩薩者是人當得身出妙香  
隨所生處而得身相圓滿於是耆舊說觀自在菩薩  
功德神力已時諸人衆各各還歸所在耆舊之人既  
說法已廻還亦爾是時觀自在菩薩上昇虛空於是  
思惟我久不見尾舍浮如來而今應當到祇陀樹  
林精舍之中見彼世尊是時觀自在菩薩卽往到彼  
精舍見有無數百千萬天龍藥叉彥達縛阿蘇囉孽  
囉拏緊那囉摩護囉誠人及非人復有無數百千萬  
菩薩悉皆集會是時虛空藏菩薩白佛言世尊今此  
來者是何菩薩佛告善男子是觀自在菩薩摩訶薩  
時虛空藏菩薩默然而住於是觀自在菩薩遙佛三  
匝却坐左邊世尊於是而慰問言汝無疲勞耶善男  
子汝於餘處所爲化事而云何耶觀自在於是卽說  
昔所化事我已救度如是是有情時虛空藏菩薩  
聞已心中恠未曾有今我見此觀自在而爲菩薩乃  
能救度如是國土有情得見如來如是國土有情而  
爲菩薩是時虛空藏菩薩於觀自在前立而問訊於

觀自在菩薩言如是化度得無疲勞耶觀自在言我無疲勞而問訊已默然而住爾時世尊告善男子言汝等諦聽我今爲汝說六波羅蜜多法善男子若爲菩薩應先修行布施波羅蜜多然後修行如是持戒忍辱精進靜慮般若波羅蜜多如是而得圓滿具足說斯法已默然而住時彼衆會各各而退還歸本處彼菩薩衆而亦退還本佛刹土

## 佛說大乘莊嚴寶王經卷第二

音釋

確

確丘交切確轄覺  
切確確石地也

嶽

欽法音切峯魚音切  
欽峯山高險岑峻貌

恃怙

恃時止切怙後  
五切恃怙賴也

偃

偃委羽切

惱也

懊也

惱切

悔也

懊悔也

於到

恨

恨古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

哽

哽古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

噎古杏切噎一  
切哽噎悲塞也

懊也

懊切

悔也

懊悔也

悔也

悔也

悔也

悔也

噎

華亭縣弟子池之蚊施賈刻  
佛說大乘莊嚴寶王經卷第二 許字六十九  
百一十四箇 該銀三兩四錢五分七釐  
姑蘇著墨居士周瑞麒對  
崇禎四年孟夏月徑山化城寺識

佛說大乘莊嚴寶王經卷第三

卷西天中印度惹爛駄羅國三藏沙門天息災奉

詔譯

爾時除蓋障菩薩白世尊言觀自在菩薩摩訶薩往昔之事已聞佛說彼菩薩有何三摩地門唯願世尊爲我宣說佛告善男子其三摩地門所謂有相三摩地無相三摩地金剛生三摩地日光明三摩地廣博三摩地莊嚴三摩地旌旗三摩地作莊嚴三摩地莊嚴王三摩地照十方三摩地妙眼如意三摩地持法三摩地妙最勝三摩地施愛三摩地金剛旛三摩地觀察一切世界三摩地樂善逝三摩地神通業三摩

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

地佛頂輪三摩地妙眼月三摩地了多眷屬三摩地天眼三摩地明照劫三摩地變現見三摩地蓮華上三摩地上王三摩地清淨阿鼻三摩地信相三摩地天輪三摩地灑甘露三摩地輪光明三摩地海深三摩地多宮三摩地迦陵頻伽聲三摩地青蓮華香三摩地運載三摩地金剛鎧三摩地除煩惱三摩地師子步三摩地無上三摩地降伏三摩地妙月三摩地光曜三摩地百光明三摩地光熾盛三摩地光明業三摩地妙相三摩地勸阿蘇羅三摩地宮殿三摩地現圓寂三摩地大燈明三摩地燈明王三摩地救輪

迴三摩地文字用三摩地天現前三摩地相應業三摩地見真如三摩地電光三摩地龍嚴三摩地師子頻伸三摩地莎底面三摩地往復三摩地覺悟變三摩地念根增長三摩地無相解脫三摩地最勝三摩地開導三摩地善男子觀自在菩薩摩訶薩非唯有是三摩地而於一一毛孔具百千萬三摩地善男子觀自在菩薩摩訶薩位居菩薩功德如是乃至諸佛如來歎未曾有如是功德善男子我於往昔爲菩薩時與五百商人欲往師子國中將諸車乘駝駝牛等求其財寶卽發往彼道路經歷村營城邑聚落之處

相次至於海濱欲承大舶於是俱昇舶內我當問於舶主言汝應看其風信從何而起往何國土爲往寶洲爲闍婆國羅刹國耶於是舶主瞻其風信作如是言而今此風宜往師子國去是時承風駕放往師子國於彼國中有五百羅刹女忽然變發劇暴大風鼓浪漂激其舶破壞時諸商人廻墮水中漂濤其身浮及海濱至於岸上彼五百羅刹女見諸商人各各搖動其聲出於惡聲現童女相來商人所各以衣服與諸商人於是著彼衣服捩自濕衣曝之令乾而離彼處卽往瞻波迦樹下憩歇已互相謂言我今云何

作何方便無復方計說已默然是時彼羅刹女又來於商人前作如是言我無夫主可與於我而爲夫耶於此我有飲食衣服庫藏園林浴池時彼羅刹女各各將一商人歸自所居於是羅刹女中而有一女爲大主宰名囉底迦覽彼女與我相將歸彼所居彼女而以上味飲食供給於我豐足飽滿我當快樂無異人間於彼止宿經停二三七日忽然見彼囉底迦覽欣然而笑我時心生疑恠未曾見聞彼羅刹女作如是笑時我問言汝今何故作是笑耶羅刹女言此師子國羅刹女所住之地恐傷汝命於是問汝何故

知耶羅刹女言勿履南路而去何以故彼有鐵城上  
下周圍而無門戶其中而有無數商人其中多已被  
彼食噉唯餘骸骨彼今見有活者死者恐不相信但  
依此路而去到彼自當信我是時我伺彼女惛沉睡  
眠於是菩薩向夜分時持月光劔徃於南路而行到  
彼鐵城周匝而看一無門戶亦無窓牖彼鐵城邊有一  
瞻波迦樹攀昇樹上我時高聲喚問時鐵城內商  
人告於我言賢大商主而還知不我等被羅刹女致  
在鐵城而於日日食噉百人彼等具說昔時事已於  
是我下瞻波迦樹却依南路急速還彼羅刹女處是

時彼女而問我言賢大商主所說鐵城還當見不今  
應實說我言已見於是又問彼女以何方便令我得出  
於此彼羅刹女而告我言而今有大方便可令於汝安  
隱善出此師子國却還於彼南瞻部洲我見是說復問  
彼女令我於何道路出此國耶時囉底迦覽告於我言  
有聖馬王而能救度一切有情我當尋時徃彼聖馬王所  
食白藥草食已於金砂地驟已而起振擺身毛作如是已而作是言何人而欲達於彼岸  
三復告言若欲去者當自言說於是告聖馬王言我  
於今者欲徃彼去如是說已而復到彼羅刹女處

同共止宿彼羅刹女睡眠覺已心生追悔而問我言商主汝身何故冷耶於是知彼意不令我去遂以方便告於彼女我於向者暫出城外便利而廻故我身冷彼女告於我言應却睡眠至於日出我時方起遂乃喚諸商人告言而今宜應出於此城時諸商人皆出城已俱在一處而歇共相謂言今此衆中何人之妻最相戀慕有何所見其事云何時衆人中有言彼以上味飲食供給於我或有說言彼以種種衣服與我或有說言彼以天冠珥璫衣服與我或有說言我無所得唯不稱心或有說言彼以種種龍麝栴檀

之香與我時諸商人作是說已我當告言汝難解脫何故貪愛此羅刹女耶衆商人聞心懷怖畏而問言大商主實如是耶我乃告言此師子國羅刹女所住非是人耳此實是羅刹女作是誓言佛法僧等可知此羅刹女也時諸商主聞已告於我言以何方便得免此難於是告彼言此師子國有聖馬王能救一切有情彼食大白藥草於金砂驟而起振擺身已三復言云誰人欲往彼岸我已告彼馬王言我今欲往彼岸時諸商人復告我言何日去耶我告衆言却後三日決定而去衆人宜應備辦資糧作是語已衆還

入城各各往本羅刹女舍其女見來相問訊言汝今疲勞耶我當問彼羅刹女我未曾見汝悅意園林浴池爲實有耶時彼羅刹女告我言大商主此師子國有種種適意園林浴池告彼女言與我如法辦具資糧我候三日欲往遊觀種種園林池沼看彼名花我當將種種萃而來歸家時羅刹女告我言大商主我爲辦具資糧是時恐彼羅刹女知我方計必當殺我如是思惟默然而住彼羅刹女以好飲食與我令喫食已吁歎彼女問言大商主何故如是而吁歎耶是時我告彼女我本南瞻部洲人思自本地彼女告我

言大商主勿思本地此師子國有種種飲食衣服庫藏種種適意園林浴池受種種快樂云何思彼南瞻部洲我時默然而住過是日已至第二日彼如與我辦具飲食資糧彼諸商人悉皆辦具資糧候第三日月初出時皆出彼城出已共相議言我等今者當宜速去不應廻顧師子國矣作是語已我與彼衆卽時速疾而往於聖馬王所到已見彼馬王喫草驟已振擺身毛是時師子國地皆震動馬王三復言云今者何人欲往彼岸時諸商人作如是言我等今者欲往彼岸時聖馬王奮迅其身而作是言汝等宜應前進

勿應返顧師子國也彼聖馬王如是說已是時我乃先乘馬王然後五百商人俱昇馬上時彼師子國中諸羅刹女忽聞諸商人去口出苦切之聲卽駛奔馳趨逐悲啼號哭呼呼隨後時諸商人聞是聲已廻首顧眄不覺閃墜其身入於水中於是諸羅刹女取彼身肉而噉食之是時唯我一人往於南瞻部洲彼聖馬王屆海岸所我當下已而乃旋遶彼聖馬王三匝畢已卽離彼處尋路而行徃於本地歸自所居到其家已是時父母見我來歸抱捉其子欣喜復悲涕泣流淚父母先爲我故涕泣恒時其眼昏翳因茲除愈苦惱之事

佛告除蓋障菩薩時聖馬王者卽觀自在菩薩摩訶薩是於是危難死怖畏中救濟於我除蓋障我今不能廣說是觀自在菩薩摩訶薩功德數量我今爲汝

略說是觀自在身毛孔中所有功德除蓋障觀自在菩薩身有金毛孔而於其中有無數百千萬俱胝那庾多彥達嚩彼等無輪廻苦而常受於最勝快樂天物受用無有窮盡無有惡心無憎嫉心無貪瞋癡常行八聖道恒受法樂除蓋障於是金毛孔中復有放光如意寶珠隨彼彥達嚩衆思念所須隨意滿足於是金毛孔中有斯出現復有黑毛孔而於其中有無數百千萬俱胝那庾多具通神仙之人其中有具一神通者或有具二三四五神通之者亦有具足六神通者於是毛孔之中復現銀地黃金爲山白銀爲峯

三十七愛染蓮華寶莊嚴其山於其山中而有八萬四千神仙之衆如是仙衆出現劫樹深紅爲身黃金白銀以爲枝葉放寶光明又於一一毛孔現四寶池八功德水充滿其中而有妙華盈滿池中於池岸側有天妙香樹栴檀香樹又有莊嚴劫樹上懸莊嚴天冠珥璫復有殊妙瓔珞而嚴飾之又於其上懸衆寶鈴又挂妙衣懺尸迦服於斯一一劫樹之下各有一百彥達嚩王而於恒時奏諸音樂復有群鹿羽族靈禽聞斯樂音悉皆思惟諸有情類多受輪廻之苦何故南瞻部洲人見受生老病死愛別離等如是諸苦

此諸禽鳥鹿等於是思惟此大乘莊嚴寶王經如是  
之名於是而有天妙上味飲食天諸妙香天妙衣服  
等物隨彼所思如意滿足是時除蓋障菩薩白世尊  
言我今聞是甚爲希有世尊佛告善男子於意云何  
除蓋障菩薩白世尊言如是有情心唯思念此經各  
號尚獲如是利益安樂若復有人得聞此經而能書  
寫受持讀誦供養恭敬如是之人常得安樂或復有  
人於此經中書寫一字斯人當來不受輪迴之苦而  
永不於屠兒魁膾下賤之類如是家生所生之身而  
永不受背惱擊躉醜脣缺漏瘡癩等病不可喜相獲

得身相圓滿諸根具足有大力勢何況具足受持讀  
誦書寫供養恭敬之人所獲功德爾時世尊讚言善  
哉善哉除蓋障汝今善說如是之法今此會中無數  
百千萬天龍藥叉彥達驛阿蘇羅葉嚧擎緊那羅摩  
悉聞汝說如是法得聞斯之廣博法門由汝所問時  
除蓋障菩薩白世尊言世尊於今說斯妙法天人衆  
等生信堅固是時世尊讚言善哉善哉善男子汝能  
如是重復問是觀自在身毛孔中所現功德除蓋障  
彼復有寶莊嚴毛孔是中有無數百千萬俱胝那庾

多彥達囉女面貌端嚴形體殊妙種種莊嚴如是色相狀如天女彼衆貪瞋癡苦皆不能侵於彼身分而亦不受人間少分苦惱之事彼彥達囉女而於三時念是觀自在菩薩摩訶薩名號而於是時彼等獲得一切所須之物是時除蓋障菩薩白佛言世尊我欲入彼毛孔之中看其所有佛告善男子彼之毛孔無有邊際如虛空界亦無障礙善男子如是毛孔無障無礙亦無觸惱彼毛孔中普賢菩薩摩訶薩入於其中行十二年不得邊際見諸毛孔一一之中各有佛部於彼而住是故普賢不能見其邊際近遠餘諸菩

薩云何而得見彼邊際耶時除蓋障菩薩白佛言世尊普賢菩薩摩訶薩於彼毛孔行十二年不能見其邊際而諸毛孔各有百佛在於其中普賢菩薩摩訶薩尚不能得見於邊際我今云何而得入於是中耶佛告善男子我亦不見如是微妙寂靜彼無相故而現大身具十一面而百千眼圓滿廣大得相應地湛然寂靜大智無得無有輪迴不見救度亦無種族無有智慧亦無有說如是諸法如影響故善男子觀自在菩薩無見無聞彼無自性乃至如來亦所不見於意云何善男子普賢等諸菩薩皆具不可思議不能

了知彼觀自在之所變化善男子觀自在菩薩摩訶  
薩變現種種救度無數百千萬俱胝那庾多有情令  
得往生極樂世界見無量壽如來得聞法要皆令當  
成菩提道時除蓋障菩薩白世尊言不知以何方  
便令我得見是觀自在菩薩摩訶薩佛告善男子彼  
菩薩必當來此索訶世界而來見我禮拜供養時除  
蓋障菩薩白佛言世尊可知是觀自在菩薩摩訶薩  
而來於此爲於何時佛告善男子候此有情根熟之  
時彼觀自在菩薩摩訶薩先來到此時除蓋障菩薩  
摩訶薩以手揩頤作是思惟我今云何有是罪障壽

命雖長而無所益不得見彼觀自在菩薩恭敬禮拜  
猶如盲人在道而行時除蓋障菩薩復白佛言世尊  
彼觀自在菩薩摩訶薩爲實何時而來於此耶爾時  
世尊微笑告言善男子觀自在菩薩摩訶薩彼於無  
時而是來時善男子彼菩薩身而有毛孔名灑甘露  
於是毛孔之中有無數百千萬俱胝那庾多天人止  
住其中有證初地二地乃至有證十地菩薩摩訶薩  
位者除蓋障彼灑甘露毛孔之中而有六十金銀寶  
山其一一山高六萬踰繕那有九萬九千峯以天妙  
金寶周徧莊嚴一生補處菩薩於彼而住復有無數

百千萬俱胝那庾多彥達嚩衆於彼毛孔而於恒時奏諸音樂除蓋障彼灑甘露毛孔之中又有無數百千萬億俱胝那庾多宮殿以天摩尼妙寶周徧莊嚴見者其意適然復有種種真珠瓔珞而校飾之於彼宮殿各有菩薩說微妙法出是宮殿各各經行於經行處而有七十七池八功德水盈滿其中有種種華所謂喎鉢羅華鉢訥摩華矩母那華奔拏利迦華喎彥駄迦華曼那羅華摩賀曼那羅華充滿其中彼經行地復有適意劫樹以天金銀而爲其葉莊嚴於上懸諸天冠珥璫珍寶瓔珞種種莊嚴彼諸菩薩而經

行已於夜分時憶念種種大乘之法思惟寂滅之地思惟地獄鬼趣傍生作如是思惟已而入慈心三摩地除蓋障於彼毛孔如是菩薩出現其中復有毛孔名金剛面而於其中有無數百千萬緊那羅衆種種華鬘瓔珞徧身莊嚴以妙塗香用塗其體見者歡喜而彼恒時念佛法僧得不壞信住法忍慈思惟寂滅遠離輪廻如是如是善男子彼緊那羅衆心生愛樂彼之毛孔有無數山而於其中有金剛寶窟金寶窟銀寶窟玻底迦寶窟蓮華色寶窟青色寶窟復有具足七寶窟如是善男子於彼毛孔有斯變現而於是

中又有無數劫樹無數栴檀大樹微妙香樹無數浴池百千萬天宮寶殿玻胝迦莊嚴巧妙清淨適意寶殿於彼出現如是宮殿緊那羅衆止息其中既止息已說微妙法所謂布施波羅密多法及持戒忍辱精進靜慮智慧波羅密多法說是六波羅密多已各各經行而於是處有黃金經行道白銀經行道於是周匝而有劫樹金銀爲葉上有種種天衣寶冠珥璫寶玲瓔珞如是莊嚴彼經行處又有樓閣緊那羅於是經行思惟沉淪生苦老苦病苦死苦貧窮困苦愛別離苦怨憎會苦求不得苦或墮針刺地獄黑繩地獄

喝醯大地獄極熱大地獄火坑地獄或墮餓鬼趣如有情受大苦惱彼緊那羅作是思惟如是善男子彼緊那羅樂甚深法思惟圓寂真界復於恒時念觀自在菩薩摩訶薩名號由是稱念而於是時得諸資具悉皆豐足善男子觀自在菩薩摩訶薩乃至名號亦難得值何以故彼與一切有情如大父母一切恐怖有情施之無畏開導一切有情爲大善友如是善男子彼觀自在菩薩摩訶薩有六字大明陀羅尼難得值遇若有人能稱念其名當得生彼毛孔之中不受沉淪出一毛孔而復往詣入一毛孔於彼而住乃

至當證圓寂之地時除蓋障菩薩白世尊言世尊今此六字大明陀羅尼爲從何處而得耶佛告善男子此六字大明陀羅尼難得值遇至於如來而亦不知所得之處因位菩薩云何而能知得處耶除蓋障菩薩白世尊言如是陀羅尼今佛如來應正等覺云何而不知耶佛告善男子此六字大明陀羅尼是觀自在菩薩摩訶薩微妙本心若有知是微妙本心卽知解脫時除蓋障菩薩白世尊言世尊諸有情中有能知是六字大明陀羅尼者不佛言無有知者善男子此六字大明陀羅尼無量相應如來而尚難知菩薩云何而得知此觀自在菩薩微妙本心處耶我往他方國土無有知是六字大明陀羅尼處者若有人能而常受持此六字大明陀羅尼者於是持誦之時有九十九宛伽河沙數如來集會復有如微塵數菩薩集會復有三十二天天子衆亦皆集會復有四大天王而於四方爲其衛護復有娑訛囉龍王無熱惱龍王得叉迦龍王縛蘇枳龍王如是無數百千萬俱胝那庾多龍王而來衛護是人復有地中藥叉虛空神等而亦衛護是人善男子觀自在菩薩身毛孔中俱胝數如來止息已讚歎是人言善哉善哉善男子汝

7 8 9 10

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

能得是如意摩尼之寶汝七代種族皆當得其解脫  
善男子彼持明人於其腹中所有諸蟲當得不退轉  
菩薩之位若復有人以此六字大明陀羅尼身中項  
上戴持者善男子若有得見是戴持之人則同見於  
金剛之身又如見於舍利率堵波又如見於如來又  
如見於具一俱胝智慧者若有善男子善女人而能  
依法念此六字大明陀羅尼是人而得無盡辯才得  
清淨智聚得大慈悲如是之人日日得具六波羅蜜  
多圓滿功德是人得天轉輪灌頂是人於其口中所  
出之氣觸他人身所觸之人發起慈心離諸瞋毒當

得不退轉菩薩速疾證得阿耨多羅三藐三菩提若  
此戴持之人以手觸於餘人之身蒙所觸者是人速  
得菩薩之位若是戴持之人見其男子女入童男童  
女乃至異類諸有情身如是得所見者悉皆速得菩  
薩之位如是之人而永不受生老病死苦愛別離苦  
而得不可思議相應念誦今此六字大明陀羅尼作  
如是說

佛說大乘莊嚴寶王經卷第三

音釋

鎧可亥切

莎蘇

禾寶戶羊切

行賈也

颶職琰切

蕩激也

漬餘亮切

蕩切

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

濟也 挠力結切 驅擺驅竹扇切馬轉卧土中  
也 睽於計切 耆莫報切 懈忘也 撐蹙攀間貝切手拘攀也

也

華亭縣弟子池之蛟施貨刻

佛說大乘莊嚴寶王經卷第三 計字五千八  
百九十二箇 該銀二兩九錢四分六釐

麟兒早育鶴筭遐增長朗智燈淨嚴福果

姑蘇沙彌契義對

崇禎四年孟夏月經山化城寺識

### 佛說大乘莊嚴寶王經卷第四

宋西天中印度惹爛馱羅國三藏沙門天息災奉

詔譯

爾時除蓋障菩薩而曰佛言世尊我今云何得是六  
字大明陀羅尼若得彼者不可思議無量禪定相應  
即同得阿耨多羅三藐三菩提入解脫門見涅槃地  
貪瞋永滅法藏圓滿破壞五趣輪迴淨諸地獄斷除  
煩惱救度傍生圓滿法味一切智智演說無盡世尊  
我須是六字大明陀羅尼我爲此故以四大洲滿中  
七寶布施以爲書寫世尊若乏希筆我刺身血以爲  
墨剥皮爲希析骨爲筆如是世尊我無悔恪尊重如

我父母爾時佛告除蓋障菩薩言善男子我念過去  
世時爲此六字大明陀羅尼徧歷如微塵數世界我  
供養無數百千萬俱胝那庾多如來我當於彼諸如  
來處不得而亦不聞時世有佛名寶上如來應供正  
徧知明行足善逝世間解無上士調御丈夫天人師  
佛世尊我當於彼佛前涕淚悲泣時彼如來應正等  
覺言善男子汝去勿應悲泣善男子汝往到彼見蓮  
華上如來應正等覺在於彼處彼佛知是六字大明  
陀羅尼善男子我當辭離寶上如來所往詣蓮華上  
如來佛刹到已頂禮佛足合掌在前唯願世尊與我

六字大明陀羅尼彼真言王一切本母憶念其名罪  
垢消除疾證菩提爲於此故我今疲困我往無數世  
界而不能得今迴來於此處是時蓮華上如來卽說  
此六字大明陀羅尼功德言善男子所有微塵我能  
數其數量善男子若有念此六字大明陀羅尼一徧  
所獲功德而我不能數其數量善男子又如大海所  
有沙數我能數其一一數量善男子若念六字大明  
一徧所獲功德而我不能數其數量善男子又如天  
人造立倉廩周一千踰繕那高一百踰繕那貯積脂  
麻盈滿其中而無容針彼守護者不老不死過於百

劫擲其一粒脂麻在外如是倉內擲盡無餘我能數其數量善男子若念六字大明一徧所獲功德而我不能數其數量善男子又如四大洲種種種種穀麥等物龍王降澍雨澤以時所植之物悉皆成熟收刈俱畢以南瞻部洲而爲其場以車乘等般運場所治踐俱畢都成大聚善男子如是我能數其一一粒數善男子若念此六字大明一徧所獲功德我則不能數其數量善男子此南瞻部洲所有大河晝夜流注所謂衆多河涼誠河焰母那河磚芻河設多嚕捺羅合河贊捺羅合婆蘖河愛囉轡底河蘇摩誠駄河咽

摩河迦羅戍那哩河此一一河各有五千眷屬小河於其晝夜流入大海如是善男子彼等大河我能數其一一滴數善男子若念此六字大明一徧所獲功德而我不能數其數量善男子又如四大洲所有四足有情師子象馬野牛水牛虎狼猴鹿羖羊豺兔如是等四足之類我能數其一一毛數善男子若念六字大明一徧所獲功德而我不能數其數量善男子又如金剛鈞山王高九萬九千踰繕那下八萬四千踰繕那彼金剛鈞山王方面各八萬四千踰繕那彼山有人不老不死經於一劫旋遶彼山而得一帀如

是山王我以僑尸迦衣我能拂盡無餘若有念此六字大明一徧所獲功德而我不能說盡數量善男子又如大海深入萬四千踰繕那穴口廣闊無量我能力一毛端滴盡無餘善男子若有念此六字大明一徧所獲功德而我不能說盡數量善男子又如大尸利沙樹林我能數盡一一葉數善男子若有念此六字大明一徧所獲功德而我不能說盡數量善男子又如滿四大洲所住男子女人童子童女如是一切皆得七地菩薩之位彼菩薩衆所有功德與念六字天明一徧功德而無有異善男子又如除十二月年

遇閏一十三月以餘閏月筭數爲年足滿天上一劫於其晝夜常降大雨善男子如是我能數其一一滴數若有念此六字大明陀羅尼一徧功德數量甚多於彼於意云何善男子又如一俱胝數如來在於一處經天一劫以衣服飲食座臥敷具及以湯藥受用資具種種供養彼諸如來而亦不能數盡六字大明功德數量非唯我今在此世界我起定中不可思議善男子此法微妙加行觀智一切相應汝於未來當得是微妙心法彼觀自在菩薩摩訶薩善住如是六字大明陀羅尼善男子我以加行福歷無數百千萬

俱胝那庾多世界到彼無量壽如來所在前合掌爲於法故涕泣流淚時無量壽如來知我見在及以未來而告我言善男子汝須此六字大明王觀行瑜伽耶我時白言我須是法世尊我須是法善逝如渴乏者而須其水世尊我爲是六字大明陀羅尼故行無數世界承事供養無數百千萬俱胝那庾多如來未曾得是六字大明王陀羅尼唯願世尊救我愚鈍如不具足者令得具足迷失路者引示道路陽焰炎熱爲作蔭覆於四衢道植娑羅樹我心渴仰是法唯願示導令得善住究竟之道擐金剛甲冑是時無量壽

如來應正等覺以迦陵頻伽音聲告觀自在菩薩摩訶薩言善男子汝見是蓮華上如來應正等覺爲此六字大明陀羅尼故徧歷無數百千萬俱胝那庾多世界善男子汝應與是六字大明此如來爲是故來於此觀自在菩薩白世尊言不見曼拏羅者不能得此法云何知是蓮華印云何知是持摩尼印云何知是一切王印云何知是曼拏羅清淨體今此曼拏羅相周圍四方各五肘量中心曼拏羅安立無量壽粉布應用因捺囉二爾擲寶林鉢訥麼二囉引誠寶林摩囉揭多寶林波胝迦寶林蘇嚮囉擎二嚙引播

寶珠於無量壽如來右邊安持大摩尼寶菩薩於佛  
左邊安六字大明四臂肉色白如月色種種寶莊嚴  
左手持蓮華於蓮華上安摩尼寶右手持數珠下二  
手結一切王印於六字大明足下安天人種種莊嚴  
右手執香爐左手掌鉢滿盛諸寶於曼拏羅四角刻  
四大天王執持種種器仗於曼拏羅外四角安四賢  
瓶滿盛種種摩尼之寶若有善男子善女人欲入是  
曼拏羅者所有眷屬不及入是曼拏羅中但書其名  
彼先入者擲彼眷屬名字入於曼拏羅中彼諸眷屬  
皆得菩薩之位於其人中離諸苦惱速疾證得阿耨  
多羅三藐三菩提彼阿闍梨不得妄傳若有方便善  
巧深信大乘加行志求解脫如是之人應與不應與  
外道異見是時無量壽如來應正等覺告觀自在菩  
薩摩訶薩言善男子若有如是五種色寶珠當得建  
置是曼拏羅若善男子善女人貧匱不能辦是寶珠  
者云何觀自在白言世尊當以方便用種種顏色而  
作以種種香花等供養若善男子而亦不辦或寄旅  
停或在道行時阿闍梨運意想成曼拏羅結阿闍梨  
印相是時蓮華上如來應正等覺告觀自在菩薩言  
善男子與我說是六字大明王陀羅尼我爲無數百

78910123456789201234567893012345

千萬俱胝那庾多有情令離輪迴苦惱速疾證得阿  
耨多羅三藐三菩提故是時觀自在菩薩摩訶薩與  
蓮華上如來應正等覺說是六字大明陀羅尼曰

唵引麼搥鉢訥銘合吽引

當說此六字大明陀羅尼時此四大洲并諸天宮悉  
皆震搖如芭蕉葉四大海水波浪騰湧一切尾那野  
迦藥叉羅刹娑拱伴擎摩賀迦羅等并諸眷屬諸魔  
作障者悉皆怖散馳走爾時蓮華上如來應正等覺  
舒如象王鼻臂授與觀自在菩薩摩訶薩價直百千  
真珠瓔珞以用供養觀自在菩薩既受得已持奉上

彼無量壽如來應正等覺彼佛受已還持奉上蓮華  
上如來而於是時蓮華上佛既受得是六字大明陀  
羅尼已而還復彼蓮華上世界中如是善男子我於  
往昔之時於彼蓮華上如來應正等覺所得聞是陀  
羅尼爾時除蓋障菩薩而自佛言世尊令我云何得  
是六字大明陀羅尼世尊如是相應甘露德味充滿  
世尊我若得聞是陀羅尼而無懈倦心念思惟而能  
受持令諸有情而得聞是六字大明陀羅尼獲大功  
德願爲宣說佛告善男子若有人書寫此六字大明  
陀羅尼者則同書寫八萬四千法藏而無有異若有

人以天金寶造作如微塵數如來應正等覺形像如是作已而於一日慶讚供養所獲果報不如書寫此六字大明陀羅尼中一字所獲果報功德不可思議善住解脫若善男子善女人依法念此六字大明陀羅尼者是人當得三摩地所謂持摩尼寶三摩地廣博三摩地清淨地獄傍生三摩地金剛甲胄三摩地妙足平滿三摩地入諸方便三摩地入諸法三摩地觀莊嚴三摩地法車聲三摩地遠離貪瞋癡三摩地無邊際三摩地六波羅蜜多門三摩地持大妙高三摩地救諸怖畏三摩地現諸佛刹三摩地觀察諸佛

三摩地得如是等一百八三摩地是時除蓋障菩薩白佛言世尊我今爲於何處令我得是六字大明陀羅尼願爲宣示佛告善男子於波羅奈大城有一法師而常作意受持課誦六字大明陀羅尼白世尊言我今欲往波羅奈大城見彼法師禮拜供養佛言善哉善哉善男子彼法師者難得值遇能受持是六字大明陀羅尼見彼法師同見如來無異如見功德聖地又如見福德之聚如見珍寶之積如見施願如意摩尼珠如見法藏如見救世者善男子汝若見彼法師不得生其輕慢疑慮之心善男子恐退失汝菩薩

7890123456789201234567893012345

經

佛說力妻正廣三經四

六

羅九

之地反受沉淪彼之法師戒行缺犯而有妻子大小  
便利觸汗袈裟無有威儀爾時除蓋障白世尊言如  
佛教勅於是除蓋障菩薩與無數菩薩出家之衆長  
者童子童女擁從欲興供養持其天蓋及諸供具寶  
冠珥璫莊嚴瓔珞指環寶釧髻尸迦等衣服縉綵臥  
具復有種種妙華所謂優鉢羅華矩母那華奔擎哩  
引迦華曼那羅華摩訶曼那羅華曼殊沙華摩訶曼  
殊沙華優曇鉢羅華復有種種樹華瞻波迦華迦羅  
尾羅華波吒擇華阿底目訖多合迦華嚙喫史合迦  
設華君去聲哆華蘇摩娜華麼理迦引華而有鴛鴦

白鶴舍利飛騰而隨復有百種葉青黃赤白紅玻胚  
迦等色復有種種珍果持如是等供養之物往波羅  
奈大城詣法師所到已頭面禮足雖見彼法師戒行  
缺犯無有威儀以所持繖蓋供具香華衣服莊嚴物  
等大典供養畢已合掌住彼法師前言大法藏是甘  
露味藏是甚深法海由如虛空一切之人聽汝說法  
天龍藥叉彥達囉阿蘇羅誠嚧擎摩護羅葉人非人  
等於汝說法之時一切皆來聽汝說法如大金剛令  
諸有情解脫纏縛輪迴之報彼等有情獲斯福德此  
波羅奈大城所住之人常見汝故諸罪悉滅猶如於

火焚燒林木如來應正等覺了知於汝今有無數百  
千萬俱胝那庾多菩薩來詣於汝興供養事大梵天  
王那羅延天大自在天日天月天風天水天火天闍  
魔法王并四大天王皆來供養是時法師白言善男  
子汝爲戲耶爲實有所求聖者爲於世間斷除輪迴  
煩惱耶善男子若有得此六字大明王陀羅尼者是  
人貪瞋癡三毒不能染汙猶如紫磨金寶塵垢不可  
染著如是善男子此六字大明陀羅尼若有戴持在  
身中者是人亦不染著貪瞋癡病爾時除蓋障菩薩  
執於彼足白言未具明眼迷失妙道誰爲引導我今  
渴法願濟法味今我未得無上正等菩提令善安住  
菩提法種色身清淨衆善不壞令諸有情皆得是法  
衆人說言勿懷捨惜唯願法師與我六字大明王法  
令於我等速得阿耨多羅三藐三菩提當轉十二法  
輪救度一切有情輪迴苦惱此大明王法昔所未聞  
今令我得六字大明王陀羅尼無救無依爲作恃怙  
陀羅尼難得值遇如彼金剛不可破壞如見無上智  
如無盡智如如來清淨智如入無上解脫遠離貪瞋  
癡輪迴苦惱如禪解脫三摩地三摩鉢底如入一切

法而於恒時聖衆愛樂若有善男子於種種處爲求  
解脫遵奉種種外道法所謂敬事帝釋或事白衣或  
事青衣或事日天或事大自在天那羅延天藥嚩擎  
中裸形外道中愛樂如是之處彼等不得解脫無明  
虛妄空得修行之名徒自疲勞一切天衆大梵天王  
帝釋天主那羅延天大自在天日天月天風天水天  
火天闍魔法王四大天王而於恒時云何求我六字  
大明王彼等得我六字大明王皆得解脫故除蓋障  
一切如來般若波羅蜜多母宣說如是六字大明王  
一切如來應正等覺及菩薩衆而皆恭敬合掌作禮  
善男子此法於大乘中最上精純微妙何以故於諸  
大乘契經應頌授記諷誦譬喻本生方廣希法論議  
中得善男子獲斯本母寂靜解脫何假多耶猶如收  
精稻穀於已舍宅器盛盈滿日曝令乾擣治扇颺棄  
彼糠皮何以故爲收精米如是餘異瑜伽如彼糠皮  
於一切瑜伽中此六字大明王如精米見善男子菩  
薩爲斯法故行施波羅蜜多及持戒忍辱精進靜慮  
般若波羅蜜多善男子此六字大明王難得值遇但  
念一徧是人當得一切如來以衣服飲食湯藥及座  
臥等資具一切供養爾時除蓋障菩薩白法師言與

我六字大明陀羅尼時彼法師正念思惟而於虛空忽有聲云聖者與是六字大明王時彼法師思惟是聲從何而出於虛空中復出聲云聖者今此菩薩加行志求冥應與是六字大明王矣時彼法師觀見虛空中蓮華手蓮華吉祥如秋月色髮髻寶冠頂戴一切智殊妙莊嚴見如是身相法師告除蓋障言善男子觀自在菩薩摩訶薩可令與汝六字大明王陀羅尼汝應諦聽時彼合掌虔恭聽是六字大明王陀羅尼曰

唵引麼泥鉢訥銘二合吽引

於是與彼陀羅尼時其地悉皆六種震動除蓋障菩薩得此三摩地時復得微妙慧三摩地發起慈悲三摩地相應行三摩地得是三摩地已時除蓋障菩薩摩訶薩以四大洲滿中七寶奉獻供養法師於是法師告言今所供養未直一字云何供養六字大明不受汝供善男子汝是菩薩聖者非非聖者彼除蓋障復以價直百千真珠瓔珞供養法師時彼法師言善男子當聽我言汝應持此供養釋迦牟尼如來應正等覺爾時除蓋障菩薩頭面禮法師足已旣獲滿足其意辭彼而去而復往詣祇陀林園到已頂禮佛足

爾時世尊釋迦牟尼如來應正等覺告言善男子知汝已有所得如是世尊而於是時有七十七俱胝如來應正等覺皆來集會彼諸如來同說陀羅尼曰  
 彙莫入聲陀鉢哆二合引喃引三藐訖三合沒駛三句引  
 致喃四引但你也二合他五去聲引唵引左隸引祖隸引嚩引  
 聲上称六娑嚩二合賀十引

於是七十七俱胝如來應正等覺說此陀羅尼時彼觀自在菩薩身有一毛孔名日光明是中有無數百千萬俱胝那庾多菩薩於彼日光明毛孔中復有一萬二千金山其一一山各千二百峯其山周匝蓮華色寶以爲莊嚴而於周匝有天摩尼寶適意園林又有種種天池又有無數百千萬金寶莊嚴樓閣上懸百千衣服真珠瓔珞彼樓閣中有微妙如意珠寶供給彼諸菩薩摩訶薩一切所須資具時諸菩薩入樓閣中而念六字大明是時見涅槃地到彼涅槃之地見於如來觀見觀自在菩薩摩訶薩心生歡喜於是菩薩出彼樓閣往經行處而於其中有諸寶園而復往詣浴池復往蓮華色寶山在於一面結跏趺坐而入三昧如是善男子菩薩住彼毛孔善男子復有毛孔名帝釋王其中有無數百千萬俱胝那庾多不退

7890123456789201234567893012345

經

傳記外卷第十三

附錄

轉菩薩於是帝釋王毛孔中復有八萬天金寶山於其山中有如意摩尼寶名蓮華光隨彼菩薩心所思惟皆得成就時彼菩薩於彼山中若念飲食無不滿足而無輪廻煩惱之苦恒時思惟其身無異思惟善男子復有毛孔名曰大藥於中有無數百千萬俱胝那庾多初發心菩薩善男子於彼毛孔有九萬九千山於此山中有金剛寶窟金寶窟銀寶窟帝青寶窟蓮華色寶窟綠色寶窟玻胝迦色寶窟如是山王有八萬峯種種適意摩尼及諸妙寶莊嚴其上於彼峯中有彥達囉衆恒奏樂音彼初發心菩薩思惟空無

相無我生苦老苦病苦死苦愛別離苦怨憎會苦墮阿鼻地獄苦墮黑繩地獄諸有情苦墮餓鬼趣諸有情苦作是思惟時結跏趺坐而入三昧於彼山中而住善男子有一毛孔名續畫王是中有無數百千萬俱胝那庾多緣覺衆現火焰光於彼毛孔有百千萬山王彼諸山王七寶莊嚴復有種種劫樹金銀爲葉無數百寶種種莊嚴上懸寶冠耳璫衣服種種瓔珞懸諸寶鈴懺尸迦衣復有金銀寶鈴震響丁丁如是劫樹充滿山中無數緣覺於彼而住常說契經應頌授記諷誦譬喻本生方廣希法論議如是之法除蓋

障時諸緣覺出彼毛孔最後有一毛孔名曰幡王廣八萬踰繕那於中有八萬山種種妙寶及適意摩尼以爲嚴飾彼山王中有無數劫樹無數百千萬栴檀香樹無數百千萬大樹復有金剛寶地復有九十九樓閣上懸百千萬金寶真珠瓔珞衣服於彼毛孔如是出現爲除蓋障說已爾時佛告阿難陀若有不知業報於精舍內湆唾及大小便利等今爲汝說若於常住地湆唾者是人生於娑羅樹中爲針口蟲經十二年若於常住地大小便利者是人於波羅奈大城大小便利中生爲穢汙蟲若私用常住齒木者墮在龜魚及摩竭魚中生若盜用常住油麻米豆等者墮在餓鬼趣中頭髮蓬亂身毛皆豎腹大如山其咽如針燒然枯燋唯殘骸骨是人受斯苦報若輕慢衆僧者是人當墮貧賤家生隨所生處根相不具背樞坐陋捨是身已而復生處多病瘠瘦手足攣躄而有膿血盈流其身零落身肉經百千萬歲受斯苦報若盜用常住地者墮大號叫地獄中口吞鐵丸脣齒斷齶及其咽喉悉燒爛壞心肝腸胃徧體燋然時有苾芻言業風吹彼死而復活於是閻魔獄卒驅領罪人彼自業感生於大舌有百千萬鐵犁耕彼舌上受是苦

報經多千萬年於此地獄出已復入大火鐵地獄彼有閻魔獄卒驅領罪人以百千萬針刺其舌上業力故活驅至火坑而擲入中又驅至奈河而擲入中而亦不死如是展轉入餘地獄經歷三劫是人復於南瞻部洲貧賤家生其身盲暝受斯苦報慎勿盜用常住財物若苾芻持戒應受持三衣若入王宮應當披持第一大衣若常衆中應當披持第二衣若作務時或入村落或入城隍或道行時應當披持第三衣苾芻應如是受持三衣若得戒得功德得智慧我說苾芻應持是戒不得盜用常住財物猶如火坑常住如信受禮佛而退

## 佛說大乘莊嚴寶王經卷第四

音釋

貯展呂切

積也

澍朱成切

霖霪也

XII倪祭切

割也

冥想里切

想也

涼其亮切

亮也

78910123456789201234567893012345

虛器  
步木切  
切  
牲也  
曝日乾也  
燥也  
飄飛物也

丁丁  
並笛  
耕切

華亭縣弟子池之蛟施貲刻  
佛說大乘莊嚴寶王經卷第四  
計字六千二  
百三十五箇  
該銀三兩一錢一分七釐  
恭勸麟兒早育鶴筭選增長朗智燈淨嚴福果  
姑蘇沙門契義對  
崇禎四年孟夏月徑山化城寺識

## 分別善惡報應經卷上

宋西天三藏朝散大夫試鴻臚卿明教大師天息災奉詔譯

如是我聞一時世尊在舍衛國祇樹給孤獨園爾時世尊食時著衣持鉢入舍衛城次第乞食至兜你野子輸迦長者舍在門外立是時輸迦長者家有一犬名曰商佞性常在門首於是長者常用銅器盛以美飯與商佞性大見世尊瞋恚而吠爾時世尊謂商佞性汝由未悟見我乃吠作是語時商佞性轉惡心生瞋恨卽離本處往栴檀座下是時輸迦長者出舍門外見犬在於栴檀座下長者問言誰瞋於汝商佞性默然是

時輸迦長者又復問言賢子誰人瞋汝商佞性對曰沙門瞿曇而來在此於門下立我見乃吠彼沙門瞿曇作如是言汝由未悟今乃更吠我聞此語心生瞋怒起離本處來栴檀座下是時輸迦聞是語已發大瞋怒出舍衛城往彼祇樹給孤獨園爾時世尊與無量百千諸比丘衆前後圍遶在座說法如是世尊遙見輸迦長者遠路而來告諸比丘汝等見此輸迦長者遠來以不諸比丘言唯然已見世尊告言此長者子向於佛所而發瞋心命終之後如箭剎那墮大地獄何以故虛妄計執分別彼我起瞋煩惱毀謗於佛墮

諸惡趣受苦無量又復於我心生輕謗一切衆生亦復如是爾時世尊告諸比丘而說頌曰

於佛起惡心 毀謗生輕慢 入大地獄中  
受苦無窮盡 有諸數取趣 於師及比丘  
暫時起惡心 命終墮地獄 若於如來處  
起大瞋恨心 皆墮惡道中 輪迴恒受苦  
是時兜你野子來詣佛所頂禮佛足於世尊前種種語言柔和善順稱歎如來說是語已在一面立而白佛言世尊以何因緣到於我舍佛告輸迦長者言食時已至吾乃著衣持鉢入舍衛城次第乞食遂至汝

舍在門下立是時商怯處於門首銅器之內飲食之次商怯見吾在門下立纔見乃吠我言商怯汝由未悟何故見吠犬聞是語遂生瞋怒往詣別處是時長者白世尊言此大商怯過去宿因不知云何願佛演說佛言且止勿問斯事汝若聞此倍生懊惱不可忍矣輸迦長者如是三請白佛言世尊唯願爲我演說斯事我等樂聞爾時世尊告長者言汝今諦聽善思念之吾今爲汝分別演說此大汝父兜你野身於過去生妄計此身無我計我慳貪嫉妒不行惠施貪惜財物不信三寶墮畜生中今大商怯是長者父輸迦

長者復白世尊我父兜你野在生之日常行布施祭祀火天及諸鬼神彼身決定得生梵天受大富樂何故復墮畜類之中此事難信佛告長者言汝父兜你野由是分別妄生計執不行惠捨不信三寶以此因緣墮此類中復告長者吾今所說恐汝難信當自還家問於商怯是時長者辭佛歸家到已告言商怯汝實我父是兜你野此大却坐栴檀之座長者復言商怯實是我父兜你野不可就銅盤食此肉飯商怯卽食食已又復告言若實我父是兜你野當何所表爲顯奇異於是商怯聞是語已從座而起詣本住處於

栴檀座下以鼻艶地以足攬出四大鐵甕滿中盛金瓶盤雜器是時輸迦長者見此希奇金銀珍寶踊躍歡喜愛護覆藏於是長者出舍衛城往詣佛所一心歸依爾時世尊與無量百千比丘衆等在座說法於是世尊告諸比丘汝見兜你野子鸚鵡長者遠來以不諸比丘言唯然已見佛告比丘今此長者身謝命終如捨重擔往生天上因於我所歡喜踊躍發誠諦心獲報如是爾時世尊告諸比丘而說頌曰

此一數取趣 發心見我喜 命終往生天  
如捨於重擔 若於說法師 如來及比丘

暫時心歡喜 獲果亦如是

爾時世尊說此偈已於是輸迦長者往詣佛所頭面禮足歡喜無量種種稱讚歎未曾有說是語已在一面立於是世尊告輸迦言此商怯大實是汝父長者白言唯然世尊如佛所說真實不虛所有疑惑皆悉除斷爾時輸迦長者白世尊言一切有情夭壽長命有病無病端嚴醜陋貴賤種族聰明愚鈍柔和麤獁其事非一因果善惡報應云何佛告輸迦長者子言善哉善哉汝應諦聽善思念之今爲汝說一切有情作業修因善惡不等所獲報應貴賤上下種族高低

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

差別亦殊我今略說如斯之事若廣分別其義甚深  
是時長者重白佛言願佛演說爾時佛告長者言汝  
應善聽一切有情造種種業起種種惑衆生業有黑  
白果報乃分善惡黑業三塗受報白業定感人天又  
業有分限命乃短長復次補特伽羅有業多病少病  
端嚴醜陋或復有業補特伽羅富貴貧窮聰明智慧  
根鈍愚闇或復有業補特伽羅生三惡趣或復有業  
生欲界人天乃至有頂或復有業補特伽羅遠遊及  
近或復有業補特伽羅所求不遂或復有業不求自  
至或復有業補特伽羅成就難易有成不成或復有

業補特伽羅地獄壽命圓滿中夭輕重不等或復有  
業補特伽羅富貴貧窮先後不定或復有業補特伽  
羅富貴貧窮布施愛樂慳惜不定或復有業補特伽  
羅壽命長短於中不定或復有業補特伽羅身心快  
樂苦惱不定或復有業補特伽羅形貌端嚴光潤愛  
樂或復醜陋麤澀嫌厭或復有業補特伽羅諸根具  
足不具足等爾時佛告長者子言有十善業應當修  
習若十惡業汝應除斷於是長者白佛言世尊有情  
短命何業所獲佛告長者子言殺生所獲復次殺業  
然有十種一自手殺二勸他殺三慶快殺四隨喜殺

五懷胎殺六勸墮胎殺七酬冤殺八斷男根殺九方便殺十役他殺如是十種獲短命報復云何業獲報長命有十種業何等爲十一離自手殺二勸他離殺三離慶快殺四離隨喜殺五救刑獄殺六放生命七施他無畏八慈恤病人九惠施飲食十施燈供養如是十種獲長命報復云何業獲報多病有十種業何等爲十一自壞有情二勸他令壞三隨喜壞四讚歎壞五不孝父母六多結宿冤七毒心行藥八慳惜飲食九輕慢聖賢十毀謗師法如是十種獲報多病復云何業獲報少病有十種業何等爲十一不損有情

二勸他不損三不隨喜損四不讚歎損五離慶快損六孝養父母七尊重師長八不結宿冤九施僧安樂十施藥飲食如是十種獲少病報復云何業獲報醜陋有十種業何等爲十一恒起瞋忿二恣縱慢心三不孝父母四恒恣貪癡五毀謗聖賢六侵奪凌逼七盜佛光明八戲弄他醜九壞佛光明十行非梵行如是十種獲報醜陋復云何業獲報端嚴有十種業云何十業一修慈忍二惠施佛塔三塗掃塔寺四修嚴精舍五莊嚴佛像六孝養父母七信重聖賢八謙卑離慢九梵行無缺十遠離損害如是十種獲報端嚴

復云何業獲種族卑賤有十種業云何十種一貪愛  
名利不修施行二嫉妬他榮三輕毀父母四不遵師  
法五譏謗賢善六親近惡友七勸他作惡八破壞他  
善九貨易經像十不信三寶如是十種獲報卑賤復  
云何業得豪族富貴有十種業何等爲十一離嫉妬  
二慶他名利三尊重父母信崇師法四發菩提心五  
施佛傘蓋六修嚴塔寺七懺悔惡業八廣修施行九  
勸修十善十信崇三寶如是十種獲報豪貴復云何  
業獲人間惡報有十種業云何十種一恣縱我慢二  
輕慢父母三輕慢沙門四輕慢婆羅門五輕毀賢善

六輕慢親族七不信因果八輕厭自身九憎嫌他人  
十不信三寶如是十種獲人間惡報復云何業獲人  
中勝報有十種業云何十種一謙卑離慢二尊重父  
母三尊重沙門四信崇婆羅門五愛護親族六尊重  
賢聖七修行十善八不輕慢補特伽羅九尊重師法  
十諦信三寶如是十種獲人中勝報復云何業獲報  
孤貧有十種業云何十種一恒行劫盜二勸他劫盜  
三讚歎劫盜四隨喜劫盜五毀謗父母六謗讟聖賢  
七障礙他施八嫉他名利九慳惜財物十輕毀三寶  
願常饑饉如是十種獲報孤貧復云何業獲大福德

有十種業云何十種一離劫盜二離勸他非三離隨喜盜四孝養父母五信崇聖賢六慶他名利七廣行惠施八不嫉名利九不慳財寶愛恤孤貧十供養三寶如是十種獲福廣大復云何業獲報愚鈍有十種業云何十業一謂此補特伽羅不信沙門亦不親近二不信婆羅門三不信師法亦非親近四隱法不傳五伺師法短六遠離正法七斷滅善法八謗毀賢智九習學非法十毀謗正見稱揚邪見如是十法獲報愚鈍復云何業獲大智慧有十種法云何十法一謂此補特伽羅親近沙門深信求法二信婆羅門三親

近師法求解深義四尊重三寶五遠離愚癡六不謗師法七求於深智八傳法利生令不斷滅九遠離非法十稱揚正見離諸邪見如是十法獲大智慧復云何業獲地獄報有十種法云何十種一不善身業二不善口業三不善意業四恒起身見五恒起邊見六邪見不息七作惡不懺八姪慾邪行九毀謗聖賢十壞滅正法如是十業獲地獄報復云何業獲畜生報有十種業云何爲十一中品惡身業二中品惡語業三中品惡意業四起種種貪五起種種瞋六起種種癡七布施非法八禁呪厭術十毀菩薩梵行十起常

邊見人死爲人如是十業獲報畜生復云何業獲報  
餓鬼有十種業云何十業一更惡身業二更惡口業  
三更惡意業四貪惜財物不行惠施五起大邪見謗  
佛因果六我慢自恃輕毀賢良七障礙他施八不恤  
飢渴九慳惜飲食不施佛僧十他獲名利方便離隔  
如是十業獲報餓鬼復云何業獲報人間有十種業  
何等十業一離殺生二離不與取三離非梵行四離  
虛誑語五離雜穢語六無離間語七離麤惡語八離  
飲酒食肉九離癡闇十離邪見諦信三寶修如是等  
十種更業獲報人間復次修習何業得生欲天修十

善業得生彼天復修何業得生色界修十定善得生  
彼天復修何業得生於彼四無色界修習三摩鉢底  
爲因得生彼天何等爲四遠離一切色作無邊空想  
復修彼定伏除彼障命終之後生彼空無邊處遠離  
麤識細識現前作無邊想伏除彼障復修彼定後生  
彼天遠離無所有處障染復修彼定後生彼天遠離  
諸善趣中不入無間復次修習何業感得何果若修  
善業感可愛果若造惡業感非愛果若遠離此善不

善業愛非愛果終不可得譬如慈女商主遠行久不  
歸家子無由得復云何業而不得果所修惡業廻心  
發露省悟前非思惟嫌厭心念口言作意專注重重  
懺悔此業雖作而不受果善業亦然復云何業得身  
心圓滿修習忍辱得身相圓滿修習聞思得心圓滿  
此業修習必定得果復云何業修作已後而非散失  
若有善業已作不悔亦不嫌厭而非擾惱又非撥無  
不說是非而不遠離亦非躁撓作如是行此業修習  
終非散失定受於果復云何業而不得果終無記業  
不得其果復云何業補特伽羅地獄壽命而無中夭

此一補特伽羅作彼業已而不悔恨亦不嫌厭又不  
撥無心不擾惱不說是非又不躁撓行如此行天受  
當知作彼彼業補特伽羅處地獄生圓滿壽命而非  
中夭復云何業有補特伽羅處地獄中壽量不滿此  
一補特伽羅作彼業已而乃嫌悔煩惱自毀省悟前  
非遠離彼業而不躁撓行如是行此補特伽羅作彼  
業已地獄中生不滿壽命復云何業有補特伽羅地  
獄中生即便命終此一補特伽羅作彼業已悔嫌躁  
擾說言撥無解除遠離煩惱鋒利不可愛樂我更不  
作如阿闍世王作殺父罪已悔過發露我作惡業應

當自受對佛懺悔解說前非佛愍彼王令觀罪性從緣幻有了不可得故此補特伽羅處地獄中卽便命終復云何業有補特伽羅先受快樂後受苦惱此一補特伽羅初行布施愛樂歡喜施已心悔故此補特伽羅生在人中處上種族金銀珍寶象馬車乘悉皆具足父母妻子吏民知識圓滿無缺乃至庫藏亦復如是故得果時先受快樂後乃苦惱復云何業有補特伽羅先受貧苦後乃快樂此一補特伽羅由昔因時用下品心微分布施捨已不悔後乃歡喜故此補特伽羅生在人中種族卑下飲食珍寶悉皆乏少亦

不自在後漸增長財物廣大乃至種種資具無有乏少故此補特伽羅後得果時先乃貧苦後受快樂復云何業有補特伽羅先受快樂後亦快樂此一補特伽羅未施歡喜正施施已歡喜三時無悔此一補特伽羅生在人中於富貴家上種族中父母妻子吏民親友圓滿具足庫藏珍寶象馬牛羊乃至園林田宅無不具足自在受用故此補特伽羅先受快樂後亦快樂復云何業有補特伽羅先無快樂後無快樂常受苦惱此一補特伽羅先無施心亦無良友勸令布施又無信心貪惜珍寶從始至終絕施纖毫故此補

特伽羅若生人中處下種族貧窮困苦財寶飲食田宅資具乃至眷屬悉皆乏少先無快樂後無快樂故此補特伽羅先受苦惱後亦苦惱復云何業有補特伽羅得大富貴貪惜財物無纖毫施此一補特伽羅於過去世向三寶處曾行布施不曾發願於當來世更修施行故此補特伽羅命終已後若生人間得大富貴居上種族珍寶廣大象馬奴婢牛羊田宅亦皆廣大受用自在於其財物慳惜愛護不行惠施故此補特伽羅富貴多財愛護慳貪亦無信心復云何業有補特伽羅一生貧苦愛樂布施此一補特伽羅於

過去世三寶勝處曾修布施又復發願而於未來施心不斷命終之後生在人天受福往來彼後福盡又生人間貧窮愛施故此補特伽羅貧窮愛施信心不斷復云何業有補特伽羅一生貧苦又復慳貪不行少施此一補特伽羅於過去世不遇善友又復愚闇不信因果於其施度微分不修故此補特伽羅命終之後生在人間種族貧窮財物飲食田業資具一切乏少故此補特伽羅貧窮困苦不樂布施復云何業得身心快樂譬如輪王又樂作福此一補特伽羅於過去世修不殺戒施他無畏又復發願施心不昧故

此有情命終之後生在人間得身心快樂常愛惠施復云何業有補特伽羅身心快樂如極老人家務久棄不樂作福此一補特伽羅於過去世施他無畏不損有情不發勝願故此補特迦羅命終已後生在人間而得身心悉皆快樂不愛修福

分別善惡報應經卷上

分別善惡報應經卷下

唐天藏朝散大夫試鴻臚卿明教大師天息災奉詔譯

復云何業有補特伽羅若身及心俱不快樂又不修福此一有情於過去世損惱衆生令他怖畏又無信心不發善願故此補特伽羅命終之後生在人中身心不安又多愚闇而不修施云何補特伽羅人間命短三塗命長此一補特伽羅過去修因順生善少順後惡多故此補特伽羅人中命促後生地獄鬼畜及呵素囉壽命乃長云何補特伽羅三塗命短人中命長此一補特伽羅過去修因順生惡少順後善多故

此補特伽羅三塗壽短後生人中壽命乃長云何補特伽羅生在人中及三塗內壽命皆短此一補特伽羅過去修因順生順後善惡俱少故此補特伽羅人及三塗壽命皆短云何補特伽羅命盡煩惱盡云何補特伽羅煩惱乃盡壽命不盡謂預流一來不還決定性者乃不決定阿羅漢人復云何業有補特伽羅惡趣而生形色身量端嚴殊妙見者歡喜人皆愛樂此一補特伽羅於過去世修習忍行破佛淨戒墮在惡趣受異類身形色端嚴柔潤具足見者歡喜復云何業有補特伽羅生惡趣中身體麤澀形色醜陋人

見不悅謂此補特伽羅於過去世性多瞋怒不修忍度破佛淨戒又不發露命終已後處異類中形色醜陋身體麤澀諸根缺減臭氣充滿癡增闇昧見者不喜復次十不善業獲果云何殺命爲因壽量色力而非滿足偷盜所得霜雹蟲蝗饑饉水旱邪欲所獲外多塵垢妻不貞良虛妄所獲臭氣惡名人皆嫌厭離間所獲眷屬不和疾病繁纏麤惡所獲觸對硬澀果實非美雜穢所獲林木叢刺園苑荒殘貪愛所獲庫藏寃眇瞋恚所獲果味辛辣容貌醜惡患癡所獲外色不潔果實虛耗十不善業因之所得修十善業獲

果云何遠離殺害壽量所依皆悉滿足離於偷盜饑  
饉風雹蟲蝗等災悉皆遠離因無邪欲美聲流播遠  
離塵垢因無妄語口常香潔因無離間眷屬和順遠  
離高下霹靂霜雹因無麤惡果味甘美遠離硬澀因  
無雜穢林木園苑遠離叢刺皆悉滋潤因無貪愛倉  
庫果實充滿具足因無瞋恚身相圓滿諸根無缺因  
無邪見信心不斷最上果實香美具足修十善業感  
果如是復次十惡獲果有十何等爲十殺生十者一  
冤家轉多二見者不喜三有情驚怖四恒受苦惱五  
常思殺業六夢見憂苦七臨終悔恨八壽命短促九

心識愚昧十死墮地獄復次偷盜報有十種何等爲  
十一結宿冤二恒疑慮三惡友隨逐四善友遠離五  
破佛淨戒六王法謫罰七恣縱豫逸八恒時憂惱九  
不自在十死入地獄復次邪欲報有十種何等爲十  
一欲心熾盛二妻不貞良三不善增長四善法消滅  
五男女縱逸六資財密散七心多疑慮八遠離善友  
爲十一口氣恒臭二正直遠離三諂曲日增四非人  
相近五忠言不信六智慧眇少七稱揚不實八誠語  
不發九愛論是非十身謝惡趣復次飲酒三十六過

其過云何一資財散失二現多疾病三因典闡諍四增長殺害五增長瞋恚六多不遂意七智慧漸寡八福德不增九福德轉減十顯露祕密十一事業不成十二多增憂苦十三諸根闇昧十四毀辱父母十五不敬沙門十六不信婆羅門十七不尊敬佛十八不敬僧法十九親近惡友二十捨離善友二十一棄捨飲食二十二形不隱密二十三淫欲熾盛二十四衆人不悅二十五多增笑語二十六父母不喜二十七眷屬嫌棄二十八受持非法二十九遠離正法三十不敬賢善三十一違犯過非三十二遠離圓寂三十

三顛狂轉增三十四身心散亂三十五作惡放逸三十六身謝命終墮大地獄受苦無窮

爾時佛告輸迦長者若復有人於如來塔合掌恭敬有十功德何等爲十一貴族廣大二妙色廣大三形相廣大四四事廣大五珍財廣大六美名廣大七信根廣大八憶念廣大九智慧廣大十藝業廣大如是長者若復有人合掌恭敬如來之塔獲斯功德若復有人於如來塔合掌禮拜獲十功德何等爲十一言辭柔軟二智慧超羣二人天歡喜四福德廣大五賢善同居六尊貴自在七恒值諸佛八親近菩薩九命

終生天十速證圓寂如是功德禮拜佛塔獲如斯報  
若復有人拂拭佛塔獲十功德何等爲十一色相圓  
滿二身體膚直三音聲微妙四遠離三毒五路無叢  
刺六種族最上七崇貴自在八命終生天九體離垢  
染十速證圓寂如是功德拂拭佛塔獲如斯報若復  
有人於如來塔布施傘蓋獲十種功德何等爲十一  
離熱惱二心不散亂三作世間主四藝術廣大五福  
德無量六得轉輪王七身相圓滿八遠離三塗九命  
終生天十速證圓寂如是功德傘蓋施佛獲如斯報  
若復有人於如來塔以鐘鈴布施獲十種功德何等

爲十一端嚴無比二妙音適悅三聲同迦陵四言辭  
柔軟五見皆歡喜六得阿難多聞七尊貴自在八美  
名流布九往來天宮十究竟圓寂如是功德布施鐘  
鈴所獲勝報若復有人於如來塔布施幢旛有十功  
德何等爲十一形容膚直長壽圓滿二世間殷重三  
信根堅固四孝養父母五親友眷屬皆悉廣大六美  
名稱讚七色相端嚴八見者歡喜九富貴上族自在  
生天十速證圓寂如是功德施佛幢旛獲如斯報若  
復有人於如來塔以衣布施獲十二種殊妙功德何  
等十二一身體膚直二見者歡喜三福相光潤四色

相微妙五色形無比六身無塵垢七衣服鮮潔八卧具細軟九得大自在十命終生天十一見皆愛敬十二速證圓寂如是功德施佛衣服獲如斯報若復有人於如來塔施花供養功德有十何等爲十一色相如花二世間無比三鼻根不壞四身離臭穢五妙香清淨六往生十方淨土見佛七戒香芬馥八世間殷重得大法樂九生天自在十速證圓寂如是功德以花供養佛舍利塔如斯獲果若復有人以幔布施如來之塔獲十種功德云何十種一色妙如瓊二身離臭穢三形體清淨四生十方佛土五戒香芬馥六恒

聞妙香七眷屬圓滿八諸根適悅九生天自在十速證涅槃如是功德於如來塔施鬘供養獲如斯報若復有人施燈供養佛舍利塔獲十功德云何十種一肉眼清淨二獲淨天眼三離於三毒四得諸善法五聰明智慧六遠離愚癡七不墮黑闇三塗八尊貴自在九往生諸天十速證圓寂如是功德施燈供養佛舍利塔獲斯勝報若復有人施塗香供養如來之塔獲十功德云何十種一鼻根清淨二身離臭穢三身妙香潔四形相端嚴五世間恭敬六樂法多聞七尊貴自在八聲譽遐布九命終生天十速證圓寂如是

十種功德布施塗香供養如來舍利之塔獲斯勝報  
若復有人以妙音樂供養佛塔獲於十種勝妙功德  
何等爲十一身相端嚴二見者歡喜三音聲微妙四  
言辭和順五肢體適悅六離瞋恚七慶喜多聞八崇  
貴自在九命終生天十速證圓寂如是功德以妙音  
樂供養佛塔獲如斯報若復有人於如來塔歡喜讚  
歎獲十八種勝妙功德云何十八一種族尊高二形  
相端嚴三圓滿臍直四見聞歡喜五資財無量六眷  
屬廣大七遠離散壞八尊貴自在九恒生佛土十聲  
譽遐布十一美德讚頌十二四事豐足十三天人供  
養十四得轉輪王十五壽命延長十六體堅金剛十  
七命終生天十八速證圓寂如是功德歡喜讚歎佛  
舍利塔獲斯勝報若復有人施佛牀座獲十種功德  
何等爲十一德業尊重二世間稱讚三肢節多力四  
名稱遠聞五德美歌頌六安和適悅七獲轉輪王座  
僕從衆多八見者歡喜九生天自在福相具足十速  
證圓寂如是功德施佛牀座獲斯勝報若復有人布  
施鞋履供養僧佛功德有十云何十種一威儀師範  
二象馬無闕三行道勇健四身無疲乏五足步無損  
六離荆棘沙礫七獲神足通八僕從衆多九生天自

在十速證圓寂如是功德鞋履布施佛比丘等獲如斯報若復有人以鉢器什物施佛及僧功德有十云何十種一形色光潤二器物具足隨意受用三離諸飢渴四珍寶豐足五遠離惡趣六人天歡喜七福相圓滿八尊貴自在九恒生諸天十速證圓寂如是功德布施器物獲如斯報若復有人齋食供養佛及衆僧功德有十云何爲十一壽命延長二形色圓滿三肢節多力四記憶不忘五智慧辯才六衆觀歡喜七豐足珍寶八人天自在九命終生天十速證圓寂如是十種勝妙功德施佛及僧齋食供養獲如斯報若

復有人以象馬車乘施佛及僧功德有十云何爲十一足相柔軟二威儀無缺三身離疲乏四安樂無病五寃家遠離六神足自在七僕從衆多八人天福相見皆歡喜九命終生天十速證圓寂如是功德以車乘象馬施佛及僧獲如斯報若復有人修嚴房室屋宇殿堂施佛及僧功德衆多行相云何恒離驚怖身心安樂所得卧具細軟最妙衣服嚴身香潔清淨人居士宰官商主聚落城邑國王大臣隨願滿足皆悉成就若於轉輪聖王隨其福力一洲二洲乃至四洲

王化自在若於六欲諸天四王忉利乃至他化自在願皆成就隨意生彼若復有人由前福力於色界諸天梵衆梵輔乃至色究竟天皆悉成就隨願生彼若復有人於無色界空無邊處乃至非想非非想處皆悉成就若於預流一來不還阿羅漢果緣覺乃至無上菩提隨其所應皆得成就如是功德差別無量因修房屋殿堂樓閣施佛及僧獲如斯報若復有人以美飲湯藥施佛及僧獲十種功德云何十種一諸根圓滿二清淨鮮潔三額廣平正四容貌熙怡五形色光潤六福德圓滿七離飢渴八遠離三惡九生天自

在十速證圓寂如是功德施佛及僧美飲湯藥獲如是報若復有人歸佛出家功德有十云何爲十一遠離妻室二染欲不貪三愛樂寂靜四諸佛歡喜五遠離邪魔六近佛聽法七遠離三惡八諸天愛敬九命終生天十速證圓寂如是十種功德歸佛出家獲如斯報若有比丘在林野中寂靜而居有十種功德云佛愛念五離中天六多聞總持七成就舍摩他尾鉢舍那八煩惱不起九命終生天十速證圓寂如是功德林野中住比丘修行獲如斯報若有比丘持鉢乞

食有十種功德云何十種一威儀無缺二成熟有情三遠離慢心四不貪名利五福田周普六諸佛歡悅七紹隆三寶八梵行圓滿捨下劣意九命終生天十究竟圓寂如是功德若常持鉢乞食所獲若有比丘持鉢乞食遠離十種黑闇始獲如是十種功德云何十種一了知出入聚落有益無益二了知族姓行時有益無益三了知說法有益無益四了知親近阿闍梨和尚有益無益五了知慈心化利衆生有益無益六了知親近遠離有益無益七了知學習戒定慧三有益無益八了知檀信施衣有益無益九了知持鉢

里巷之中有益無益十了知受用卧具湯藥乃至命終已來有益無益如此了知獲如是等十種勝報爾時佛告輸迦長者子言業因業生業因業滅業有前後引滿差別報乃高低愚智懸隔說此法時於是輸迦長者白佛言世尊此舍衛國塢播塞迦族姓之中及餘一切刹帝利婆羅門等族姓之中聞皆歡喜憶念受持我等眷屬皆悉愛樂長夜安樂利益自他無有窮盡佛言善哉善哉輸迦長者如汝所說爾時世尊說是語已兜你野子輸迦長者及諸苾芻無量百千人非人等歡喜踊躍禮佛而退

分別善惡報應經卷下

音釋

佐

丘加

廣

古猛切  
麌惡貌

讐

徒谷切

冤

羌切

躁

則到

也

靜也

撓奴

切

擾

過切

也

也

播

補過切

也

謫

側革切

拭

設職

馥

房六切

香氣也

武進信官張鞏捐俸刻

經二卷  
共字八千九百五十五箇

計寫銀

二錢七分七厘

刻銀

三兩一錢

板十一塊

工價銀

四錢四分

上元陳兆熊書

句容潘守誠刻

崇禎壬午仲秋虞山華嚴閣識

二四十六

10 9 8 7 6 5 4 3 2 1 20 1 2 3 4 5 6 7 8 9 30 1 2 3 4 5